

A YESU KIRISITO YELWILSI GĀN

I A yelwiilsi ala a Nāanmɪn na ku a Yesu Kirisito ũka wɔ wiil ku a wɔ gbāgbaa ala kō yaar ti ɪ ε. Yesu tō naa a wɔ malaka ũka wɔ ti 'yer ku a wɔ gbāgbaa Jɔɔn.

II Jɔɔn mi man naa a ala a jaa won nye na ɪ a Nāanmɪn 'yer ni le a Yesu Kirisito na 'yer.

III Popel sɔɔ le a 'lo na kar a gān nyā. Popel dēme mi le a bala na wō ti de 'yōɔ a ba nyān pɔ, le an seb a gān nyā pɔ, bojūu a bɪbir gbɔr naa.

IV Maa Jɔɔn le seb a gān nyā kɔrɔ a yɪn pupuorbiir gbulsɪ ayopōi na be Asɪya paal pɔ. Wāefɔ ni nyā'maar yi a Nāanmɪn sē, 'lo le ɪ, 'lo le be be, ni 'lo le na wa, naa yi a Sɪr ayopōi na ara a Nāanmɪn dakɔɔ niem,

V naa yi a Yesu Kirisito sē, 'lo le ɪ a yelmāε dāasɪε sɔɔ, na wɔ ɪ a bidōɔ 'lo na ir a kūu pɔ ɪ vor, 'lo le ɪ a nāmɪne ba jaa nākpēε na be ka a wer pɔ. 'Lo le nō sɪ na wɔ de a wɔ jāɪ pεε sɪ yin a sɪ yeldεer pɔ na wɔ faa sɪ,

VI na wɔ maal sɪ a wɔ nāalōɔ nɪbe ni Nāanmɪn bɔɔr lorbo ka sɪn tōnō kɔrɔ a wɔ Nāanmɪn na ɪ a Sāa, 'lo le so a tɪr ni a kpēɔ a bɪbir ni bɪbir jaa! A ɪ a le.

VII Yɪ nye, won yi naa a sajulōjuur pɔ waara, ka a nɪbe ba jaa nye wɔ lōɔn a bala na chɔr wɔ, a nɪbɔrsɪ na be ka a tēe na kōnō naa a wɔ waa jūu. Le le an ɪ! A ɪ a le.

VIII A si Soro Nāanmɪn na ɪ a kpɛɔ jaa sɔɔ 'yer naa, “Maa lɛ a Pielfɔ nɪ a Baaraa. Maa lɛ dɔɔ be be. Maa lɛ chɛnɛ be be. Maa lɛ na wa.”

IX Maa Jɔɔn na ɪ a yɪ yɛbɛ, n pɔɔ yɪ naa a dɔɔyɛ pɔ a Yesu tufɔ jūu. Maa nɪ yɪn jaa ben a Nāanmɪn nāalɔɔ pɔ tɪ chɛnɛ tara kānyir. N ben a man dɔdɔl pɔ ban bɔɔlɔ Patimosɪ bojūu n 'yer naa a Nāanmɪn 'yer naa di a Yesu dāasɪɛ.

X A si Soro Bɪbir Daar, Nāanmɪn Sɪɛ ir ma naa ka n wɔ nekɛɛ na tān a n puor fɪka ɪl ban pɛɛl,

XI ka a kɔkɔr 'yer, “Sɛb a ala a jaa fɔn nyɛ 'yɔɔ a gān pɔ, na fɔ tɪr kɔ a pupuorbiir gbulsɪ ayopɔi. Efesus, Semena, Pergamum, Tayatira, Saadisɪ, Feladelfiya nɪ Laodisea.”

XII N lɛb ɪka n kaa an lɛ 'yɛɛ a lɛ kɔrɔ ma. In wa lɛb, n nyɛn sɛlma fātɪnɛ dɔɔlfɔ jɪɪr ayopɔi.

XIII A fātɪnɛ dɔɔlfɔ jɪɪr anyāna sālsɔɔ, n nyɛn nɪrɛ na kaara fɪka Nɪsaal Bie (*Daniel 7:13*) na wɔ su fuu wɔɔ ka wɔ ta a gbɛɛ pɔ, tɪ a sɛlma gān bābā a wɔ nyāa ju.

XIV A wɔ jukɔɔl pɛl fɪka gɔn, ka a nɪbie kaara fɪka būu na 'lɪɛ.

XV Ka a gbɛɛ nyɪlɛ fɪka kur jɪɛ ban juu ir sāa pɔ, ka a kɔkɔr wɔn 'yɛɛ nyɛtāan kɔkpɛɛ na joro.

XVI Nɛmbɪɛ ayopɔi be naa a wɔ nūsɔɔ pɔ, ka a sɔbɔraa na dire a jɪɪr a jaa ayi, yi a wɔ nɛɛ pɔ. Ka a wɔ nie nyɪlɛ fɪka mɔtɔɔ na ara gar ju sālsɔɔ.

XVII In wa nyɛ a lɛ, ka n lo kpɔ a wɔ niem gā fɪka kūu. Ka wɔ pāa dɔɔl ma a wɔ nūsɔɔ tɪ 'yer kɔ ma, “Ta joro dābāɛ ɛ. Maa lɛ a Pielfɔ nɪ a Baaraa.

XVIII Maa le ı a Nyevor Soo. Nye, n dõo kpi, tıche n ir naa ı vor, n kõ le kpi go ε. Maa le tara a kũu nı a kpĩıst tēe pān bir.

XIX “A le juu seb a ala fon nye na dõo ı nı a põpānyā, nı a ala na wa ı daar kõo.

XX A yelsoolaa 'lo na be a ηmerbie ayopõi ala fon nye a n nũsõo pɔ nı a selma fātıne dɔolfɔ jie jiir ayopõi par nı nyā. A ηmerbie ayopõi ala ı naa a pupuorbiir gbulsı ayopõi malakası, fātıne dɔolfɔ jie jiir ayopõi mı ı a pupuorbiir gbulsı ayopõi.

II

I “Seb kɔ a malaka 'lo na ara kɔ a Efesus pupuorbiir ıka, a 'lo na tara a ηmerbie ayopõi a wɔ nũsõo pɔ na wɔ chiine a selma fātıne dɔolfɔ jie jiir ayopõi sãlsɔɔ 'yer le a anyāna.

II N bõo naa a le fon be, naa bõo a fɔ tɔmõ nı a fɔ kãnyir. N bõon naa a le fon ba 'maa nıbir kɔ a putudēme ε, ala le so ka fɔ bεer a bala na 'yer ıka Yesu nıtõnsı le ba ı na fɔ nye ka ba ı jir ηmarba.

III Fɔ tara na kãnyir na fɔ di dɔoye a n yuor jũu, tı faa bal ε.

IV Tıche n chene na tara fɔ nı 'yer. Fɔ bar naa a fɔ dõo nõfo 'lo.

V Tıer kaa a le fon dõo be tı wa lo! Lıeb a fɔ tıer na fɔ be a le fon dõo be. Ala ı fõo ba wa lıeb a fɔ tıer ε, ın wa naa wa 'loɔ a fɔ fātın dɔolfɔ jie bar.

VI Tıche a le fon ba nõ nı nyā, fɔ 'laar naa a Nikolayıtı nıbe maalfɔ, n mı 'laar naa a ba maalfɔ.

VII Nɪɾɛ 'lɔ na tara toor wɔ chɛɛ a ala a Nāanmɪn Sɪɛ na 'yerɛ kɔɾɔ a pupuorbiir gbulsɪ. A 'lɔ na jɛb tɔɔ, ɪn kɔ won sɔɾ ka wɔ kpɛ a Nāanmɪn jɔɔ pɔ pɔɾ a nyevɔɾ tɪɛ wɔ̃mɔ̃ na wɔ di.

VIII “Sɛb kɔ a malaka 'lɔ na ara kɔ a Semena pupuorbiir ɪka, a 'lɔ na ɪ a Pielfɔ nɪ a Baaraa, a 'lɔ na kpi tɪ ɪr ɪ vor 'yer ɛ a anyāna.

IX N bɔɔ naa a fɔ wɔ̃m nɪ a fɔ nɔɔ tɪchɛ fɔ ɪn taraa sɔɔ! N bɔɔ naa a gagarsɪ bala na 'yer ɪka Juu nɪɛ ɛ ba ɪ tɪ na baa ɪ ɛ, ba ɪ naa Satan lɔɔfɔ dɛmɛ.

X Taa joro dābāɛ a dɔɔyɛ na wa a fɔ sɛ ɛ. Nyɛ, a tɪ na vɛ naa ka ba nyɔɔɾ a yɪ bamɪnɛ 'yɔɔ pɔɔfɔ die pɔ, bɛɛɾ yɪ kaa, ka yɪ di dɔɔyɛ ber pie. Ala ɪ yɪn kpɪn gba, yɪ taa bara a yɪ sɔɔfɔ ɛ, ka ɪn kɔ yɪ a nyevɔɾ 'lɔ na kaara a nāa jupɪl kaar.

XI Nɪɾɛ 'lɔ na tara toor wɔ chɛɛ a ɛ a Nāanmɪn Sɪɛ na 'yerɛ kɔɾɔ a pupuorbiir gbulsɪ. Nɪɾɛ 'lɔ na jɛb tɔɔ, a gbɛɛ ayɪ kūu kɔ̃ ɛ sɪɾ wɔ go ɛ.

XII “Sɛb kɔ a malaka 'lɔ na ara kɔ a Pergamum pupuorbiir ɪka, a 'lɔ a sɔbɔraa na dire a jiir a jaa ayɪ 'yer ɛ anyāna.

XIII N bɔɔ naa a jie fɔn kpɪɾɛ, be ɛ ɪ a Satan dɔɔ, tɪ faa vɛ a n yuɔɾ bɔɔlfɔ ɛ. Fɔ chɛnɛ na sɔɔ a n yuɔɾ. Fɔ gba na wa nyɛ a Antipasɪ na dire a n dāasɪɛ ka ba kɔ wɔ a yɪ tɛɛ pɔ be a Satan dɔɔ na be.

XIV Tɪchɛ n chɛnɛ na tara fɔ nɪ 'yer. Fɔ chɛnɛ na tara nɪɛ ka ba turo a Balaam wiilfɔ, 'lɔ ɛ wiil a Balak ɪka wɔ ber a Isɪɾal nɪɛ nɛɛ ka ba maal dɛɛɾ na wɔ ɪka ba di a bɔtɪɛ bɔ̃diir na ba gāna

nɪ taa. 1

XV A ɛ nɪ wɔ ju mɪ lɛ fɔ mɪ chɛnɛ tara a nɪbɛ na turo a Nikolayitɪ nɪbɛ wiilfɔ.

XVI Lɪɛb a fɔ tɪɛr, ka ɛ ba ɛ ɛ, ɪn wan fɔɔ wa jɛb a nɪbɛ bala nɪ a sɔbɔraa 'lɔ na yi a n nɛɛ pɔ.

XVII Nɪrɛ 'lɔ na tara toor, wɔ chɛɛ a ɛ a Nāanmɪn Sɪɛ na 'yɛrɛ kɔrɔ a pupuorbiir gbulsɪ. A 'lɔ na jɛb tɔɔ, ɪn kɔ wɔn a maana ala na sɔɔl. Naa ɛ kɔ wɔ kusɪr pɪla ban seb yopaalaa dɔɔl nɪrɛ jaa na ba bɔɔ ɛ, a 'lɔ na so ɛ bɔɔ. 2

XVIII “Seb kɔ a malaka 'lɔ na ara kɔ a Tayatira pupuorbiir ɪka, a Nāanmɪn Bie 'yɛr ɛ a anyāna. A 'lɔ nɪbie na kaara a bɪu 'lɪraa kaar ka a wɔ gbɛɛ nyetāan fɪka kur jɪɛ na be bɪu pɔ.

XIX N bɔɔ naa a fɔ tɔmɔ, a fɔ nɔfɔ, a fɔ sɔɔfɔ nɪ a fɔ kānyir. A ɛ fon tɔnɔ a pɔpāanyā gar a ɛ fon dɔɔ tɔ.

XX Tɪche n chɛnɛ na tara fɔ nɪ 'yɛr. Fɔ bal kɔ a pɔɔ 'lɔ ban bɔɔɔ a Jejɛbɛl 'lɔ na bɔɔɔ a wɔ māɛ a Nāanmɪn 'yɛ'yɛrɛ. Wɔ wɪlɛ naa a n tɔtɔnbɔ ka ba sɛnɛ na ba ɔɔrɔ nɪ a bɔtɪbɛ nɔnɔ.

XXI N kɔ wɔn sɔɔ ɪka wɔ lɪɛb a wɔ tɪɛr yɪn a wɔ sɛsɛyele pɔ, tɪche waa sɔɔrɔ ɛ.

XXII Lɛ ɪn vɛn ka baal nyɔɔ wɔ ka bala naa 'lɔ na sɛnɛ, ka bala baa lɪɛb bar a wɔ sɔr ɛ.

XXIII ɪn kɔ naa a bala na turo wɔ, ka a pupuorbiir gbulsɪ bɔɔ ɪka maa ɛ bɔɔ nɪrɛ tɪɛr nɪ nɪrɛ nyāa naa na yab āsɔɔ jaa nɪ wɔ tɔmɔ.

1 **II:XIV 2:14** A Balaam dɔɔ ɪ Nāanmɪn 'yɛ'yɛrɛ na sɔɔ ɪka wɔn den libie tɪ pɔ 'yɔɔ a Isral nɪbɛ. Wɔn wa chiine, malaka ŋmaa wɔn sɔr ka waa tɔɔ ɪ a ɛ ɛ. (A Sɔrfɔ Gān 22-24) 2 **II:XVII 2:17** A manna anyāna ɪn bɔɔdiir a Nāanmɪn dɔɔ kɔ a Isral nɪbɛ be a mɔgɔɔ pɔ, ka ba di. (A Yifɔ Gān 16:4-36, nɪ jɔɔn 6:31, 49)

XXIV Tiche a yin na che a be a Tayatira na ba de a pɔɔ wiilfo bu jãn a Satan yelsɔɔlɔsɩ ɛ, n chene na tara 'yer na 'yer kɔ yɩ. N kũ de yeke jaa dɔɔl yɩ ɛ.

XXV Yɩ chene nyɔɔ a le ne wa tãn a daar 'lo un na wa.

XXVI Nɩre 'lo na jeb tɔɔ na wɔ ure a le un buɔrɔ, un kɔ won kpɛɔ ka wɔ tɔɔ a paalsɩ ba jaa,

XXVII 'Wɔn kaara ba naa nɩ kur dãgbal na wɔ ma nmer ba lamɩer kaar.' (*Yiel Gãn 2:9*) Nɩtãa le un nye a kpɛɔ yin a n Sãa sã.

XXVIII N mɩ na kɔ wɔ naa a bivɩe nmerbir.

XXIX Nɩre 'lo na tara toor wɔ chele a ala Nãanmɩn Sɩe na 'yere kɔrɔ a pupuorbiir gbulsɩ.

III

I "Seb kɔ a malaka 'lo na ara kɔ a Saadisɩ pupuorbiir ɩka, a 'lo na tara a Nãanmɩn Sɩr ayopɔi nɩ a nmerbie ayopɔi, n bɔɔ naa a fu tɔmɔ. A fu yuor yire na ɩka fu un bɔvɔr tiche bɔkũu le fu ɩ.

II Jɛɔ ir! Na fu 'yɔɔ a bala na che na kpire ãkpãen, bojũu n jɔɔr nye ka a fu tɔmɔ ba sɛɛ a n Nãanmɩn sã ɛ.

III Tɩer tɔ a ala fun de tɩ wɔ, turo a ala tɩ na fu lɩeb a tɩer. Tiche fɔɔ ba jɛɔ ir ɛ, un wan nãnyie kaar ka fu kɔ bɔɔ a sɔɔ 'lo un na wa a fu sã ɛ.

IV Tiche fu chene na tara nɩbe bãlãa a ba be a Saadisɩ ka a ba fɔɔr ba nyɔɔr debe ɛ. Bala nɩ maa na 'mantaa chiine, ka ba su bɔpɩel, bojũu ba seen naa.

V Nɩre 'lo jaa na jeb tɔɔ a ba kaar mɩ na sun a bɔpɩel. N kũ kpɩin a wɔ yuor bar a nyevɔr gãn

po ε, tiche un por a wo yuor a n Sãa ni a wo malakasi niem.

VI Nire 'lo na tara toor, wo chele a ala a Nãanmun Sɪε na 'yere korɔ a pupuorbiir gbulsɪ.

VII “Sɛb kɔ a malaka 'lo na ara kɔ a Feladelfiya pupuorbiir ɪka, a 'lo na ɪ a cheche sɔɔ ni a yelmãε sɔɔ 'yer le a anyã, 'lo le tara a Nãkpɛε David pãn bir. 'Lo wa yuo, nire kɔ tɔɔ poɔ ε, 'lo mi wa poɔ, nire kɔ tɔɔ yuo ε.

VIII N bɔɔ naa a fo tɔmɔ a jaa. Nyε, n yuo naa a pãn bar, nire jaa na kɔ tɔɔ poɔ ε. N bɔɔ naa a fo kpɛɔ na ba jã bon ε, tiche fo chene na tara a n 'yer na faa chiir a n yuor ε.

IX N bɔɔ naa a bala na ɪ a Satan lɔɔfo dɛme ti na ba 'yer ɪka Juu nibe le ba ɪ, jir nmarba le ba ɪ. In vɛ naa ka ba wa gbur dumo a yɪ niem na ba bɔɔ ɪka n nɔ yɪ naa.

X A le fon tu a n 'yer na fo di kãnyir, un gu fo naa a sɔɔ 'lo a dooye na wa a nibe ba jaa jie na kɔɪere ka a wer po.

XI N kɔ kor ti wa ε. Nyɔɔ a le ne fon tara, ka nire jaa taa faa a fo nãa jupil ε.

XII A 'lo na jɛb tɔɔ, un maal won a luur a n Nãanmun puorfo yir. Wo kɔ le vɔɔ go ε. In sɛb naa a n Nãanmun yuor ni a n Nãanmun tɛe yuor na ɪ a Jerusalem paalaa won bar ka wo yire a saaju suro waara mar wo, naa mi le sɛb a n yopaalaa mar wo.

XIII Nire 'lo na tara toor, wo chele a le a Nãanmun Sɪε na 'yere korɔ a pupuorbiir gbulsɪ.

XIV “Sɛb kɔ a malaka 'lo na ara kɔ a Laodisea pupuorbiir ɪka, a 'lo 'yerie na ɪ A ɪ A Le, a

yelmãe dē dē sɔɔ nɪ a yelmãe dāasɛ sɔɔ, 'lo 'yɔɔ le a Nāanmɪn tu mɛ bomo a jaa.

XV N bɔɔ naa a fɔ tɔmɔ, faa 'maa ε, faa le tɔlɔ mɪ ε. An taa nɔmɔ ma naa ala ɪ fɔ ta 'maa naa bu tɔlɔ.

XVI A le fɔn ben ɪ a ɔlɔ ɔlɔ jũu, faa tɔlɔ ε, faa mɪ le 'maa ε, ɪn chir fɔn bar a n nɛɛ pɔ.

XVII Fɔ 'yer ɪka taraa sɔɔ le fɔ ɪ, na fɔ tara nābonsɪ na faa faa bon jaa ε. Tɪche faa bɔɔ ɪka fɔ ɪn nɪkɔɔ nɪ nɪbaal nɪɛ, nɪ nɔɔ sɔɔ, na fɔ ɪ jɔɔ nɪ sal'mɔɔɔ.

XVIII N sɔɔɔ fɔ naa ɪka fɔ da selma a n sɛ ɪn 'yɔɔ bũu pɔ maal na fɔ ɪ tara sɔɔ. Na fɔ mɪ da fɔpɪla a n sɛ pɔɔ a fɔ sal'mɔɔɔ vɪ, na fɔ le da a nɪbie tãt mɪ 'yɔɔ a nɪbie pɔ nyɛɛ.

XIX N ma gɔ naa a bala ɪn nɔ, naa tɔɔ ba toor. A le mɔ nɪbijɛ lɛb a fɔ tɪɛ.

XX Nyɛ, n ara naa dɔdɔɔ nɛɛ buɔlɔ, ala ɪ ãsɔɔ jaa wa wɔ naa a n kɔkɔɔ na wɔ yuo a pãn, ɪn kpe naa ka a maa naa nɪnyɪnɛ a sɪ tɪ 'mataa dire.

XXI Nɪɛ 'lo na jɛb tɔɔ, ɪn kɔ won sɔɔ ka wɔ jãɛ a n lɔboor nɪtãa le ɪn jɛb tɔɔ naa jãɛ a n Sãa lɔboor.

XXII Nɪɛ 'lo na tara toor, wɔ chele a le a Nāanmɪn Sɪɛ na 'yɛɛ kɔɔ a pupuorbiir gbulsɪ.”

IV

I A anyã puor, n le kãan nyɛ a saaju pãn na yuo ara. Ka a kɔkɔɔ 'lo ɪn dɔɔ wɔ a ɪl ban pɛɛl kaar 'yer kɔ ma, “Do wa, ka n wiil fɔ a ala na ɪ a anyã puor.”

II Ajienaa kaa ɪ Nāanmɪn Sɪɛ de ma naa ka n nyɛ a nãa dakɔɔ a be a saaju nɪɛ kɔɔ na jãɛ.

III Ka a nure 'lo na jāne a nāa dakoo ju nyile jaa pala pala fika gar kosi, ni kosi wolo wolo, ka a sagogoraa na nyile nmaa jilõ a nāa dakoo.

IV Dakoor ljer ni anaar mi ben be jilõ a nāa dakoo, ka a nuberē ljer ni anaar mi jāne a ju, na ba su bõp̄iel na ba sun selma jupile.

V Saa nyurfõ ni gõmõ na tāna yire naa a nāa dakoo par. Ka a fātune ayopõi mi 'lure a nāa dakoo par, anyāna le ι a Nāanm̄in Sur ayopõi.

VI A nāa dakoo niem bon ben be kaara man koo kaar jaa wel wel wel, na wõ nyile chāana kaar. A bõn̄bie anaar jil naa a nāa dakoo tara n̄bie a jiir a jaa a puor ni a niem.

VII A bõn̄bir 'lo na de nie nyetāan jukp̄ē, ka a ayi soo mi nyetāan narbile, ka a ata soo mi nyetāan nusaal, ka a anaar soo mi nyetāan tuu.

VIII A bõn̄bie anyāna āsoo jaa tara naa p̄ibe ayob, ka a n̄bie p̄oo a āgān wõ jaa naa p̄ibe p̄o. Ba ma yiele ni yiel m̄t̄õõ ni tāsõõ ɪka, “Cheche, cheche, cheche 'lo le ι a si Soro Nāanm̄in ni a kp̄õ jaa soo. 'Lo le be be, 'lo le ι, 'lo le na wa.”

IX Sõõ 'lo jaa a bõn̄bie ala na ma wa puoro p̄ere dāna ni a 'lo na jāne a nāa dakoo ju, 'lo le be be jaa kpo kpo,

X a nuberē ljer ni anaar bala gān kpa t̄ē ti puor a 'lo na jāne a nāa dakoo ju, 'lo le na be be jaa kpo kpo. Ba yāan a ba nājupile bin a nāa dakoo par ti 'yere,

XI “A si Soro ni a si Nāanm̄in, f̄õõ le a seen ɪka f̄õ de a tur, 'yõõf̄õ ni a kp̄õ. Bojũ f̄õõ le maal a bomo a jaa, a f̄õ bõf̄õ p̄õ le a jaa maal naa be be.”

V

I N pãa nyen a 'lo na jãne a nãa dakoo ju ka wo tara a kôr gãn 'lo ban pilõ a wo nũsõo po, ka a sebie be a poo po ni a yõo, na ba de jãnsi ayopõi mar poo.

II N nyen a malaka kpẽo soo 'lo na de nekpẽe suor, “An le see ika wo 'loor a jãnsi ti yuo a gãn?”

III Tiche nire jaa ba be a saaju, bu a wer po, bu a tõe par na tõe yuo a gãn kar e.

IV Ka n kõ nıbaal kôn bojũu nire jaa na ba be be seen na yuo a gãn kar kaa e.

V Be le a nıbere bala asoo pãa 'yer ku ma, “Ta kõnõ e. Nye a Jukpẽe 'lo na yi a Juda boro po, na i a Nãkpẽe David yõo na jeb tõe. 'Lo le see na tõe 'loor a jãnsi ala bar ti yuo a gãn.”

VI N pãa le nyen Peraabile ka wo nyetãan bon ban dõo ku ka wo ara a nãa dakoo par, ka a bõnıbie anaar ni a nıbere ara jilõ wo. Wo tara na le ayopõi ni nıbie ayopõi, ala le i a Nãanmın Sur ayopõi won ma tõe a wer po jiir a jaa.

VII 'Lo le ti de a gãn a nire 'lo na jãne a nãa dakoo ju nũsõo po.

VIII Won wa de a gãn ka a bõnıbie anaar bala ni a nıbere lıjer ni anaar bala, ba jaa gãn kpa tõe a Peraabile niem, ka asoo jaa tara kôrõjom ni selma lapoe na seen a tãı nyũu vıla, ala le i a Nãanmın nıbe suorfoıst.

IX Bala le yiele a yiel paalaa na ba 'yere, “Fõo le seen ika fu de a gãn na fu 'loor a jãnsi, bojũu fõo le ba ku, ka fu de a fu jãı yab den nıboro, 'yer boro, balsı ba jaa ni a paalsı a jaa ku Nãanmın.

X Fõo le maal ba ka ba i a Nãanmın nãalõo nıbe ni a bõrlorbo tõnõ korõ a si Nãanmın, bala

le na wa ɪ a wer nyã wɔ jaa nãmɪne.”

XI Be le n pãa kaa nye malakasɪ turo turo fon kõ bõɔ a ba nɛɛ ɛ, ka ba ara jilõ a nãa dakɔɔ nɪ a bõnɪbie ala nɪ a nɪberɛ bala.

XII Ba yiele naa nɪ kɔkɔkpɛɛ 'yerɛ, “A Peraabile 'lo ban dõɔ kɔ le sɛɛn ɪka wɔ tara a kpɛɔ nɪ a nãbomo, nɪ a yẽ, nɪ a fõɔ, nɪ a 'yõɔfo, nɪ a tɪr, nɪ a dãnfo.”

XIII Be le n wõ a bõmaalsɪ a jaa na be a saaju, nɪ a tɛe, nɪ a tɛe par, nɪ a man pɔ, nɪ bomo a jaa na be a ba pɔ, na ba yiele yiel 'yerɛ, “A 'lo na jãne a nãa dakɔɔ ju, nɪ a Peraabile le so a dãnfo, nɪ a 'yõɔfo, nɪ a tɪr, nɪ a kpɛɔ, bɪbir jaa.”

XIV Ka a bõnɪbie anaar bala 'yer, “A ɪ a le,” ka a nɪberɛ bala gbur dumo puor a 'lo na jãne a nãa dakɔɔ ju nɪ a Peraabile.

VI

I Ka n kaa naa nye a Peraabile na 'loɔ a jãnsɪ ayopõi ala ban mar a gãn 'lo na de nie, be le n wõ a bõnɪbie anaar bala ãsɔɔ kɔkɔr fɪka saa na tãn, ka wɔ bɔɔl, “Wa!”

II Be le n kaa nye ka a ɪ wii pɪla le, ka a 'lo na do, jã tam a ba de nãa jupil kɔ wɔ ka wɔ yin darfo an ɪ tõɔfo sɔɔ le wɔ ɪ.

III A Peraabile na le 'loɔ a jãnsɪ ayi sõɔ, n wõn a bõnɪbie ala ayi sɔɔ na 'yer, “Wa!”

IV Ka a wii jɪɛ wa yi, a 'lo na do ba kɔ won kpɛɔ ɪka wɔ faa a nyã'maar tɪ vẽ ka jɛɛr ɪr a wer wɔ jaa, ka a nɪbe kɔɔ taa. Ka ba kɔ wɔ a jɛɛr sɔkpɛɛ.

V A Peraabile na le 'loɔ a jãnsɪ ata sɔɔ, n wõn a bõnɪbie ata sɔɔ na 'yer, “Wa!” Ka n kaa ka a ɪ

wii soolaa le, ka a 'lo na do tara bõmansı a nũu pɔ.

VI Be le n wõ a bõnɔbie anaar bala chara pɔ fika kɔkɔr na 'yere, “Kõ lo naa, chi bõmanãa nebõ'yen na da naa nıbõ'yen bıbir gbul sãyar. Ka a kamaana mı neer ata mı da nıbõ'yen bıbir gbul sãyar, tı taa ure wa sõonõ a kãa nı a dãa bara ε.”

VII A Peraabile na le 'loɔ a jãnsı anaar soɔ, n wõ naa a bõnɔbie anaar soɔ na 'yer, “Wa!”

VIII Ka n kaa nye wii ul a nıdaa. Ka a 'lo na do yuor di kũu, ka a kpĩisı tẽe mı turo a wɔ puor. Ba kɔ ban kpẽɔ ıka ba de sokpẽε, nı kõ, nı baal, nı modõn kɔn a wer nıbe ala ı ba põn a tẽe a wɔ jiir anaar.

IX Won le 'loɔ a jãnsı anũu soɔ, n nyen a nısır bala ban dõɔ kɔ a Nãanmın 'yer nı a wɔ dãasıe jũu ka ba be a Nãanmın boor lofo jie pĩlem.

X Ba tãna naa nı nekpeε 'yere, “A Tõɔfo soɔ, nı cheche soɔ, nı yelmãε soɔ, a wa ta dabor ka fɔ tɔɔr a wer nıbe 'yer na fɔ yab a sı jãı sãma?”

XI Be le ba kɔ ba jaa bõpıel tı 'yer ıka ba di kãnyir bãlãa ka ba baar kɔ a ba tõtõtaaba nı a yeer a ba kaar ka a ta.

XII N kaara naa ka wɔ le 'loɔ a jãnsı ayɔɔb soɔ. Ka a tẽe mıi wɔ jaa, ka a mõtõɔ sob fɔsoolaa kaar, ka a ηmeraa mı lıeb jãı kaar jaa kpãn kpãn,

XIII ka a ηmerbie mı yi a saaju pɔɔɔ loro a tẽe pɔ fika tõɔ kara sesekpẽε na fu lɔb.

XIV Be le a saaju pilõ fika sõgãnãa ban pil, ka a tõn a jaa nı a dõdolısı a jaa mı ir a ba jiir.

XV Ka a tẽe nyã nãmune, a tẽe nyã nıberε, a fõɔ dẽme, taraa dẽme, a gãdaar, nı a gbãgbaar ba

jaa, nı a sumıne ba jaa pãa soolo a tñn boor po nı a tñn kusıbe po.

XVI Ba pãa boolo na a tñn naa kusıpãnsı, “Yı lo pii sı ka sı taa le nye a 'lo na jãne a nãa dakoo ju e, na sı ta mı le nye a Peraabile suur e!

XVII A ba sukpeẽ bıbir vıe naa, an le na tıo ara a ba niem?”

VII

I A anyã puor, n nyen a malakası anaar ka ba ara a tãe lãobobo anaar, na ba nyoo a sesebe taa le ıka wõ taa furo a wer po, naa man po, bı tıe ju e.

II Be le n nye a malaka ãsoo ka wõ yi a mõtõo purfu jie waara na wõ tara a Nãanmın vor soo jãne. Wõ bool naa a malakası anaar bala nı nekpẽe ban kũ sor ıka ba soo a tãe wõ jaa naa man 'yere kuro ba,

III “Yı taa ıre wa soonõ a tãe, naa man, naa tur e, a sı 'yõo a sı Nãanmın tõtõnbõ a jãnsı a ba gbersı po baar.”

IV N pãa wõ naa a nıbe bala ban 'yõo a jãnsı nee ka ba ı, nıbe turo kobaa lıjaayi nı anaar (144,000) na yi a Isıral balborsı po.

V A bala na yi a Juda boro po ban 'yõo a jãnsı un nıbe turo pie naa yi (12,000), ka a Wuruben boro mı a nıbe turo pie nı ayı (12,000), ka a Gad boro mı ı a nıbe turo pie nı ayı (12,000),

VI ka a Aserı boro mı ı a nıbe turo pie nı ayı (12,000), ka a Naftalı boro mı ı a nıbe turo pie nı ayı (12,000), ka a Manase boro mı ı a nıbe turo pie nı ayı (12,000),

VII ka a Simeon bɔrɔ mɪ ɪ a nɪbɛ turo pie nɪ ayi (12,000), ka a Levi bɔrɔ mɪ ɪ a nɪbɛ turo pie nɪ ayi (12,000), ka a Isakar bɔrɔ mɪ ɪ a nɪbɛ turo pie nɪ ayi (12,000),

VIII ka a Jebulun bɔrɔ mɪ ɪ a nɪbɛ turo pie nɪ ayi (12,000), ka a Josefɔ bɔrɔ mɪ ɪ a nɪbɛ turo pie nɪ ayi (12,000), ka a Benjamin bɔrɔ mɪ ɪ a nɪbɛ turo pie nɪ ayi (12,000).

IX A anyã puor, n lɛ nyen nɪyɔɔ nɪrɛ na kɔ̃ tɔɔ ba sɔr ɛ, ka ba yi a paalsɪ a jaa pɔ, balbɔrsɪ, nɪbɔrsɪ, 'yerbɔrsɪ a jaa pɔ, na ba ara a nãa dakɔɔ nɪ a Peraabile niem. Ba sun fɔpɪɛl tɪ tara bɛ wɪlsɪ a ba nuur pɔ.

X Bala lɛ chɪlɛ 'yerɛ, “A faafɔ yi naa a sɪ Nãanɪmɪn na jãne a nãa dakɔɔ ju nɪ a Peraabile sɛ̃.”

XI Ka a malakasɪ bala na ara jilɔ̃ a nãa dakɔɔ, nɪ a nɪberɛ, nɪ a bɔ̃nɪbie anaar bala gãn kpa a nãa dakɔɔ niem puoro a Nãanɪmɪn 'yerɛ,

XII “A ɪ a lɛ! Nãanɪmɪn son pɛɛfɔ nɪ tɪr, nɪ yɛ̃, nɪ dãnɪfɔ, nɪ 'yɔ̃ɔfɔ, nɪ kpɛ̃ɔ nɪ fɔ̃ɔ. A ɪ a lɛ!”

XIII Be lɛ a nɪkpɛ̃ɛ ãsɔɔ sɔɔr ma, “A bala na su a bɔ̃pɪɛl, ba boo lɛ, nɪ nyɪnɛ lɛ ba yi?”

XIV Ka n 'yer ɪka, “Nɪkpɛ̃ɛ, fɔ̃sɔ ba lɛ bɔ̃ɔ ba.” Ka wɔ 'yer, “A banyãna, bala lɛ yi a dɔɔyɛ kpɛ̃ɛ 'lɔ pɔ. Ba pɛen a ba fɔɔr nɪ a Peraabile jãɪ.

XV Ala lɛ so ka ba ara a Nãanɪmɪn nãa dakɔɔ par tɔ̃nɔ̃ kɔrɔ wɔ mɔ̃tɔ̃ɔ nɪ tãsɔɔ a wɔ puorfɔ yir. A 'lɔ na jãne a nãa dakɔɔ ju na 'yɪɛr pɔɔ ba.

XVI Kɔ̃ kɔ̃ lɛ kpɛ ba go ɛ, kɔ̃nyũur mɪ kɔ̃ lɛ kpɛ ba go ɛ. Mɔ̃tɔ̃ɔ kɔ̃ lɛ ɲme ba go ɛ, tɔl kɔ̃ lɛ kɔrɔ go ɛ.

XVII A Peraabile na ara a nãa dakoo sãlsoo le na chãne ba. Wõn ma nmaa ban chiin a nyevor koo par, ka Nãanmın pãa 'yier a ba nıbikoo a jaa bar."

VIII

I Be le a Peraabile 'looo a jãnst ayopoi soo ka a saaju wo jaa nmaa vour jaa chir chir chir kor bãlãa.

II Ka n nye a malakasi ayopoi bala na ara a Nãanmın niem ka ba ku ba ul peelsi ayopoi.

III A malaka aãsoo na tara a selma lapor, wa ara naa a boorlo bomo chumfu jie. Ba den a tã nyũ vıla ala ku wo ıka wo de psoo a Nãanmın nıbe ba jaa soorfosu a selma boorlo bomo chumfu jie ku a 'lo na jãne a nãa dakoo ju.

IV A tã nyũ vıla joor yire naa a selma lapor 'matãan a Nãanmın nıbe soorfu yi a malaka nũu po, duoro a Nãanmın sã.

V Be le a malaka le moo bũu bie a selma boorlo bomo chumfu jie see a lapor na wo lob bar ka a wer po ka tãnfu, ni gõmõ, ni saa nyurfu ka a tãe wo jaa dam.

VI Ka a malakasi ayopoi bala na tara a ıle, go a peelfu.

VII A malaka 'lo na de nie peel naa a wo ul, ka a sakpolõbie ni bũu na 'matãan jãi loro a wer po. Ka a tãe jiir ata jibõ'yen di wo jaa, ka a tur mı jiir ata jibõ'yen mı di lõon a mo'yolo a jaa.

VIII Ka a malakasi ayi soo mı peel a wo ul, ka ba 'lob bon na nyetãan tõkpẽe na nyoo bũu 'yõo a man po. A man jiir ata jibõ'yen lıeb jãi,

IX ka a bõnɔbie mɪ jiir ata jibõ'yen kpi, ka a gborbere ala mɪ jiir ata jibõ'yen mɪ wɛ.

X Ka a malakasɪ ata sɔɔ mɪ pɛɛl a wɔ ɪl, ka a ɲmerbir kpɛɛ na 'lure fɪka bũu yi a saaju lo a põnsɪ nɪ a bulsɪ jiir ata a jibõ'yen pɔ.

XI A ɲmerbir yuor din, Bõtuo. Ka a kõn jiir ata jibõ'yen be tuo, ka a nɪbe bala na nyũ a kõtuo ala, ka yɔɔ jie kpi.

XII A malakasɪ anaar sɔɔ pɛɛl naa a wɔ ɪl, ka ba ɲme a mõtõɔ jiir ata jibõ'yen nɪ a ɲmeraa jiir ata jibõ'yen naa ɲmerbie ka ba jiir ata jibõ'yen ɪ libe. A bɪbir jiir ata jibõ'yen ba tara chãa ε, ka a ɲmeraa naa ɲmerbie mɪ ba chaar a tãɔɔ jiir ata jibõ'yen ε.

XIII Be le n kaa naa wõ tuu na ɔɔɔ be a saaju 'yere nɪ nekpeɛ, “Nɛbier! Nɛbier! Nɛbier! Yele na wa naa nɪsaal jaa na be a wer pɔ, ala ɪ a malakasɪ ata bala na che wa pɛɛl naa a ba ɪɛ.”

IX

I A malakasɪ anũu sɔɔ na wa pɛɛl a wɔ ɪl, ka n nye a ɲmerbir 'lo na dõɔ yi a saaju lo a tɛe. A ɲmerbir nyã le ba de a bɔɔ fulom pãn bir kɔ.

II Won wa yuo a bɔɔ fulom nyã nɛɛ, ka jɔɔr yire fɪka bũu kpɛɛ jɔɔr. A jɔɔr anyãna na yire a bɔɔ fulom nyãna pɔ liin pɔɔ a mõtõɔ naa tɛe wɔ jaa.

III A jɔɔr anyãna pɔ le soor yi jaar a tɛe wɔ jaa ka ba kɔ ba loɔ fɪka lõn loɔ.

IV Ba 'yer kɔ ba ɪka ba taa ɪre wa ɔɔɔ mɔɪ bu bõbul nɪ a tɪɛ vaar ε, tɪche a dõnõ a nɪbe bala tɛɛ na ba tara a Nãanmɪn jãne a ba gbersɪ pɔ ε.

V Baa kɔ ba sɔr ɪka ba korɔ ε, tɪche ba ge a nɪbe ɲmɛrsɪ anũu. Ka a ba dɔ̃fɔ ɔɔr kaara fɪka lɔ̃ɔ na dɔ̃ nɪre ɔɔrɔ.

VI A ber anyãna pɔ nɪbe na bɔɔrɔ na kũu tɪche ba kɔ̃ nyɛ wɔ ε. Ban bɔɔrɔ naa ɪka ba kpi tɪche a kũu kɔ̃ le kɔ ba gba ε.

VII A soor nyetãan wiisɪ ban pãɛ jɛɛr 'yɔ̃ɔ, ka a jur kaara fɪka sɛlma jupile ban su, ka a ba nin nyetãan nɪsaal nie.

VIII A ba kɔɔl kaara fɪka pɔbɔ jukɔɔl, ka a nyɪmɛ mɪ kaara fɪka jukpɛɛ nyɪmɛ.

IX Ba tara na nyãa pɔɔrsɪ ka a kaara fɪka kue, ka a pɪbe dɔ̃ɔnɔ̃ fɪka torkosɪ a wiisɪ na tɔɔrɔ joro chiine jɛɛr jie.

X Ba tara na jɔɛ dɔ̃nɔ̃ nɪ lɔ̃n kaar, a jɔɛ ala tara na fɔ̃ɔ na dɔ̃n nɪbe ge ba ɲmɛrsɪ anũu.

XI Ba tara na nãa na kaara ba, 'lɔ le a malaka 'lɔ na kaara a bɔɔ fulom 'lɔ. Heburu nɪbe bɔɔlɔ wɔ naa, Abadɔn, ka a Greek nɪbe mɪ bɔɔlɔ, Apolyɔn. A par le, sɔ̃sɔ̃ɔnɔ̃.

XII A nebier 'lɔ na de nie le a nyã na tal, tɪche ka a ayi sɔɔ chɛnɛ be puor waara.

XIII Ka a malakasɪ ayɔɔb sɔɔ pɛɛl a wɔ ɪl, n wɔ̃n kɔkɔr na yire a sɛlma tãɪ nyũu vɪla chɔmfɔ jie kpɔ̃kpɔɛ, be le ba ma chɔm a kãnyũu na be a Nãanmɪn niem.

XIV A kɔkɔr 'yer kɔ a malaka ayɔɔb sɔɔ 'lɔ na tara a ɪl, "For a malakasɪ anaar bala ban lũ a be a Yufɪrɪtɪ pɔ̃n kpɛɛ pɔ."

XV A wɔ for a malakasɪ anaar ba nyãna ban dɔ̃ɔ lũ gun a sɔ̃ɔ 'lɔ̃nɔ̃, a bɪbir 'lɔ̃nɔ̃ nɪ a chuu 'lɔ̃nɔ̃ naa yuon 'lɔ̃nɔ̃ ɪka ba kɔ a nɪsaal jiir ata jibɔ̃'yen bar.

XVI Ka a bala na do a wiistɩ ba bɔɔl naa a ba nɛɛ fon kɔ̃ tɔ̃ɔ ba sɔr ɛ.

XVII A wiistɩ nɩ a bala na do ɩn nyɛ a jãna pɔ, a nyãa pɔɔrsɩ mɔ̃ɔ naa fɩka bũu, ka amɩne mɩ ɩ bufulo, ka amɩne mɩ ɩ bɔ̃dɔɔr. Ka a wiistɩ jur nyetãan jubere jur, ka a bũu jɔɔr nɩ jerbɩ mɩ yire a ba nɛɛ pɔ.

XVIII A gefɔ ata ala na yi a wiistɩ nɛɛ pɔ lɛ, bũu, nɩ jɔɔr, nɩ jerbɩ, ala lɛ ba kon nɩbe jũir ata jibɔ̃'yen.

XIX A wiistɩ anyã fɔ̃ɔ be naa a ba nɛɛ pɔ naa juɛ pɔ, a ba juɛ kaara fɩka waba naa tara jur, ala lɛ ba de gere nɩ a nɩsaal.

XX A nɩsaalba bala na chɛ, na baa kpɩn a gefɔ nyã ɛ, ba sɔɔ bar a tɩbe ala ban maal nɩ a ba nuur ɛ. Ba chɛnɛ na puoro a sɩdebe, nɩ a bɔtɩbe ban maal a selma, nɩ a kur pɩɛl, nɩ a kur jɩɛ, nɩ a kusɩbe, nɩ a daar na ba wɔ̃nɔ̃ 'yer ɛ, ba kɔ̃ tɔ̃ɔ chen ɛ.

XXI Baa mɩ lɛb a ba tɩɛr bar a nɩkoyelstɩ, nɩ soyelstɩ, nɩ sɛ̃sɛ̃yelstɩ, nɩ nãnyiyelstɩ ɛ.

X

I N lɛ nyɛn a malaka kpɛ̃ɔ ãsɔɔ na yi a saaju suro waara. Wɔ̃ vaar naa julɔ̃juur ka a sagɔ̃goraa dɔɔl a jum. A nie kaara fɩka mɔ̃tɔ̃ɔ, ka a gbɛɛ mɩ kaara fɩka bũu lɩraa.

II Wɔ̃ tara na gãn bile na yuo a wɔ̃ nũu pɔ, na wɔ̃ de a nũsɔ̃ɔ gber 'lɔr a man pɔ tɩ a gobaa gber dɔɔl a gogoro ju,

III tɩ na wɔ̃ pãa tãn kpɛ̃ɔ jaa fɩka jukpɛ̃ɛ na uor. Wɔ̃n wa tãn a lɛ ka a kɔ̃kɔɛ ɩ ayopɔ̃i mɩ tãn satanaa kaar.

IV An wa tãn a gbεε ayopõĩ a lε, ka n ta bɔɔɔ ɩka n sɛb tɩchɛ n wõn kɔkɔr na yi a saaju 'yer, “A tãnfɔ ayopõĩ ala na 'yer sɔɔl bar, ta sɛb bin ε.”

V Be lε a malaka 'lɔ ɩn nyɛ na 'lɔr a nũsõɔ gber a man pɔ tɩ dɔɔl a a gɔba gber a gogoro ju, jɛɛn a nũsõɔ a saaju.

VI Wɔ pɔn naa a Nãanmɩn nyã na be be jaa kpo kpo, 'lɔ lε mɛ a saaju, nɩ a tɛɛ, nɩ a man, nɩ bomo a jaa na be a ba pɔ, “A kõ lε kor go ε!

VII Tɩchɛ a bɩbir 'lɔ a malakast ayopõĩ sɔɔ na wa pɛɛl a wɔ ɩl, a Nãanmɩn yelsɔɔlaa na pãa maal baar nɩtãa a lε wɔn man kɔ a wɔ gbãgbaar 'yɛ'yɛrɛɛ.”

VIII Be lε a kɔkɔr 'lɔ ɩn dõɔ wõ a saaju lε 'yer kɔ ma go, “Chen tɩ de a gãn bile 'lɔ na yuo a malaka 'lɔ na ara a man pɔ naa gogoro ju nũu pɔ.”

IX Ka n chen a malaka sɛ tɩ sɔɔr wɔ ɩka wɔ kɔ ma a gãn bile. Ka wɔ 'yer, “De 'wɔb, wɔn mire naa a fɔ pɔɔ pɔ tɩ nõmõ a fɔ nɛɛ pɔ sɩkãa kaar.”

X N den a gãn bile a malaka nũu pɔ 'wɔb. Ka wɔ nõmõ a n nɛɛ pɔ a sɩkãa kaar, tɩchɛ ɩn wa vɔl baar, ka wɔ mire a pɔɔ pɔ.

XI A ba lε 'yer kɔ ma go, “Yer 'yer kɔ a nɩbɔɔ, nɩ paalsɩ, nɩ 'yɛrbɔrsɩ nɩ a nãmɩnɛ.”

XI

I Be lε a nɩrɛ kõɔ de dãgbal na kaara a damanaa kaar kɔ ma tɩ 'yer, “Chen tɩ man a Nãanmɩn puorfɔ yir nɩ a bɔɔr lofɔ jɩɛ na fɔ sɔr a nɩɛ bala na puoro a be.

II Tɩchɛ taa ɩrɛ wa mana a yõo ε, bojũu be lε a bala na ba ɩ a Nãanmɩn nɩɛ ε, na be 'mu 'mulo a tɛchechɛ nyãna n̄mersɩ lɩjaayi nɩ ayi.

III In kɔ naa a n yelmãe dãasɛ nɪbe ayi ka ba su fɔjãrsɪ tɪ mɔɔlɔ na ba 'yerɛ ber tur dɔɔl kɔɔr ayi nɪ lɪjaata (1,260)."

IV A dãasɛ dẽme ayi bala ɪ naa a kãa tɪr ayi nɪ a fãtɪnɛ dɔɔlfɔ jie jiir ayi, ba ara naa a Soro nyã na ɪ a wer wɔ jaa niem.

V Ala ɪ nɪrɛ bɔɔrɔ naa ɪka wɔ maal ba bier, bũu ma yi naa a ba nɛɛ pɔ di a bala na ɪ a ba dɔ̄dɔ̄mɔ̄sɪ. Nɪt̄ɔ̄ lɛ a nɪrɛ 'lɔ na tɪɛr a ba sɔ̄ɔfɔ ma kpi.

VI A nɪbe bala tara na kp̄ɛɔ na nyɔɔ saa a saaju ka a saa k̄ɔ wa a sɔ̄ɔ 'lɔ ban mɔɔlɔ ɛ. Ba mɪ tara na kp̄ɛɔ na lɛɛb a k̄ɔn a jaa ka a ɪ jãɪ, na ba mɪ na t̄ɔ̄ v̄ɛ ka yelbier wa a t̄ɛɛ pɔ sɔ̄ɔ jaa ban bɔɔrɔ.

VII Ala ɪ ba wa baar naa a dãasɛ difɔ, a mɔd̄ɔ̄ 'lɔ na yi a bɔɔ fulom 'lɔ pɔ na ŋmaan ban jɛɛr na wɔ t̄ɔ̄ ba na wɔ kɔ.

VIII Ka a ba āgãma gã be a t̄ɛkp̄ɛɛ 'lɔ sɔkp̄ɛɛ ju. A t̄ɛkp̄ɛɛ nyã lɛ ba lɔɔrɔ sɔkpa bɔɔlɔ nɪ Sodom bɪ Ijipitɪ, be lɛ ba kpa a ba Soro a daa ju.

IX Nɪbɔrɔ, nɪ 'yerbɔrɔ, nɪ balsɪ ba jaa, nɪ paalsɪ a jaa na kaara naa a ba āgãma ban tɔr a ũufɔ bɪbie ata nɪ b̄ɔ̄ŋmaa.

X N̄ɔ̄ na kp̄ɛn a nɪbe na kp̄ɪɛrɛ a wer pɔ ka ba chɪlɛ kɔrɔ taa bonsɪ, bojũu ba kɔ naa a 'yɛ'yɛrbe ayi banyãna na d̄ɔ̄ ge a wer nɪbe.

XI Tɪche a bɪbie ata nɪ a b̄ɔ̄ŋmaa ala na wa pɔ, Nãanmɪn 'ȳɔ̄ ban nyevɔr ka ba lɛ ir ɪ vɔɛ, ka a dãbãɛ kpɛ a bala na nyɛ ba.

XII A 'yɛ'yɛrbe ayi banyãna pãa w̄ɔn nek̄p̄ɛɛ na yi saaju 'yer, "Yɪ do wa ka." Ka ba tu a jul̄ɔ̄juur pɔ duoro a saaju ka a ba d̄ɔ̄d̄m̄ɔ̄sɪ kaara ba.

XIII Be le ajienaa ka a tēe mii ka a tēkpēe 'lōnō yie jiir pie jibō'yen lo naa kō nibe tur ayopōi (7,000) ka a dābāe kpe a bala na che a ba pēere a Nāanmın nyā na be a saaju.

XIV A nebier ayi sōo le a nyā na po, tiche a ata sōo mī turo naa.

XV A malakası ayopōi sōo pēel naa a wō ul, ka a kōkōyōo 'yere be a saaju, "A wer nyā nāalōo ı naa a sı Soro nı a wō Nı-iraa nāalōo, 'lo le na di a nāa jaa kpo kpo."

XVI A nibeere hjer nı anaar bala na jāne a ba nāa dakōor ju a Nāanmın niem gān kpa tēe puor a Nāanmın

XVII tı 'yere, "Sı puor naa a Soro Nāanmın na ı a Tōofu Sōo, 'Lo le ı, nı 'Lo le dōo be be, bojūu wō den a wō kpēo piel kaara nı a wer wō jaa.

XVIII A paalsı vōn fon nee ka fō suur mī dire. A sōo ta naa ka fon tōor a kūn 'yer, na fon yab a fō gbāgbaar na ı a 'ye'yerbe lōon a fō nibe naa bala na 'yōonō a fō yuor, a bil naa bere ba jaa, na fon sōo a bala na sōo a wer."

XIX Ka a Nāanmın yir na be a saaju pān pāa yuo ka ba nye a netıraa daka be a yir pō. Ka saa nyurfō, gōmō, nı tānfō, ka a tēe wō jaa mii, ka a sakpōlōbibere loro.

XII

I A ne'maa yelbere na yi a saaju ka a pōo vaar mōtōo fıka fōbaa tı dōol a gbēe a ηmeraa ju, ka a ηmerbie pie nı ayi ı nāa jupıl ka wō su.

II Pōo le wō tara ka wō dōofu ta ka wō kōnō nı.

III Be le ka a ne'maa yele āsɔɔ le yi a saaju kaara fika dajil na ɪ jɪe na wɔ tara jur ayopɔi nɪ ɪle pie ka a nāa jupile be a jur pɔ.

IV A wɔ jɔɔr pɪr naa a ɲmerbie jiir ata jibɔ'yen a saaju 'lob a tēe. Tɪ ara gu a pɔɔ 'lo na bɔɔɔ a dɔɔfɔ ɪka 'lo wa dɔɔ wɔ vɔl a bie.

V A pɔɔ dɔɔn a bie ka wɔ ɪ dabile, 'lo le na kaara a paalsɪ a jaa nɪ la kpɛɔ 'lo na kaara a kur dāgbal kaar. Ba jāan a pɔɔ bie nyā don a Nāanmɪn sē ka wɔ tɪ be a wɔ nāalɔɔ pɔ.

VI Tɪ ka a pɔɔ mɪ jo kpe a mɔgɔɔ pɔ na wɔ tɪ be a jie Nāanmɪn na chɔɔr bar ka ban kaara wɔ maal ber tur kɔɔr ayi dɔɔl lɪjaata (1,260).

VII Ka a jɛer lo be a saaju. Maɪkɪl nɪ a malakasɪ jɛer nɪ naa a dajil, ka a dajil nɪ a wɔ malakasɪ mɪ lɪeb jɛere nɪ a Maɪkɪl nɪ a wɔ malakasɪ.

VIII Tɪche ba tɔɔ naa a dajil nɪ a wɔ malakasɪ, dii ba bar a be a saaju.

IX Ba lob a dajil kpɛɛ nyā bar a yɔo, a kɔr waa 'lɔnɔ na ɪ a dɛer sɔɔ, nɪ a Satan, 'lo le belɔ a wer nɪbe ba jaa. Ba lob won bar ka a wer pɔ, nɪ a wɔ malakasɪ.

X Be le n wɔ nekpeɛ na 'yer be a saaju, “Pɔpāanyā, a faafɔ bɪbir vɪe naa, a sɪ Nāanmɪn wiil naa a wɔ kpɛɔ, nɪ a wɔ nāalɔɔ, nɪ a wɔ Nɪ-iraa kpɛɔ. Bojūu a 'lo na bere a sɪ yeer nee, 'lo le bere ba a nee a Nāanmɪn niem mɔtɔɔ nɪ tāsɔɔ, ba daa won lob.

XI Ba tɔɔ wɔ naa nɪ a Peraabile jāi nɪ a ba dāasɪe 'yerie. Ba sɔɔn kūu na baa de a ba nyevɔr ka wɔ ɪ bon ε.

XII A le jūu, saaju naa bala na kpɪere a be, yɪ chɪle! Tɪche nebier ben a yɪn na be a wer nɪ a

man pɔ, yɪn din dɔɔyɛ, bojũu a dɛɛr sɔɔ suun a yɪ sɛ! Ka a wɔ suur dire, bojũu a wɔ ber ba waa ɛ.”

XIII Lɛ a dajɪl na wa nyɛ ka a ɪ tɛɛ lɛ wɔ lo, wɔ dire naa a pɔɔ 'lo na dɔɔ a dabile.

XIV Ka ba kɔ a pɔɔ tuu kpɛɛ pibɛ ayi, ɪka wɔ ɔɔ chen a jie ban chɔɔr bar be a mɔgɔɔ pɔ, be lɛ ban tɪ kaara wɔ yuom ata nɪ bɔŋmaa ka a waa taa pɔɔ wɔ ɛ.

XV Be lɛ ka a waa chɪr kɔɔ a nɛɛ pɔ pɔn kɔɔ kaar, ɪka a di a pɔɔ,

XVI tɪchɛ ka a tɛɛ sɔɔ a pɔɔ haa a nɛɛ nyũ a kɔɔ ala a dajɪl na chɪr a nɛɛ pɔ.

XVII Ka a dajɪl pãa nyɛ suur 'yɔɔ a pɔɔ na wɔ chen tɪ ŋmaan a pɔɔ bibiir bala na chɛ jɛɛr. A bala na turo a Nãaŋmɪn nɛɛ na ba mɪ tara a Yesu 'yɛr yelmãɛ.

XIII

I Ka a dajɪl ara a man gogoro nɛɛ. N nyɛn mɔdɔɔ na yire a man pɔ na wɔ tara jur ayopɔi tɪ bul ɪlɛ pie ka a nãa jupile su a ɪlɛ ala pɔ. A jur ala pɔ yoe ben be na fere sɔɔnɔ Nãaŋmɪn yuor.

II A mɔdɔɔ 'lo ɪn nyɛ nyɛntãan gbɔgbɔɔ tɪchɛ ka a gbɛɛ kaara fɪka pɛɛlaa gbɛɛ ka a nɛɛ mɪ kaara fɪka jukpɛɛ nɛɛ. Ka a dajɪl de a wɔ kpɛɔ nɪ a wɔ nãa dakɔɔ nɪ a wɔ tɔɔfɔ kɔ a mɔdɔɔ 'lɔnɔ.

III A mɔdɔɔ ju ãsɔɔ kaara fɪka bon ban chɛ ɪrɛ na kɔ tɪchɛ ka a chɛfɔ jie 'lo 'mɔ pɔɔ. Nɛɛ 'maan a nɪrɛ jaa na be a wɛr pɔ tɪ na ba turo a mɔdɔɔ 'lo.

IV Ka nɪrɛ jaa pãa pɛɛrɛ a dajɪl bojũu 'lo lɛ de a wɔ kpɛɔ kɔ a mɔdɔɔ 'lo na ba mɪ pɛɛrɛ a mɔdɔɔ

'lo 'yere ni ti sorɔ, “An le kaara a modɔɔ nyã kaar? Ni an le na tɔɔ ŋmaan wɔ jɛer?”

V A modɔɔ nyã tara na neɛ na 'yere ε jājur 'yer na wɔ fere, wɔ tara na sor ɪka wɔ 'yer a wɔ yobo 'yer maal ŋmersɪ lɪjaayi ni ayi (42).

VI A wɔ 'yerbie chɪre ni naa Nāanmɪn na wɔ fere sɔɔnɔ a Nāanmɪn yuor ni a jie 'lo won be ni a bala na kpɪere a saaju.

VII Ba kɔ won sor ɪka wɔ jeb a Nāanmɪn nɪbe na wɔ tɔɔ ba na wɔ mɪ tɔɔ a nɪborɔ, ni 'yerbɔrɔ, ni balbɔrɔ, ni paalsɪ.

VIII A bala ba jaa yuor na ba dɔɔ seb a Peraabile ban dɔɔ kɔ a nyevɔr gān pɔ ε, ti a wer wa mɛ, na gbur dumo puor a modɔɔ nyāna.

IX Nɪre 'lo na tara toor, wɔ chele.

X Ala ɪ āsɔɔ jaa nyɔɔfɔ le ban nyɔɔ wɔ, ban nyɔɔ won chiin. Ala ɪ sɔkpɛɛ mɪ le ban kɔn āsɔɔ, a sɔkpɛɛ le ban kɔn wɔ. A le jūu a bala na ɪ Nāanmɪn nɪbe, ba tara kānyir ni yelmāɛ.

XI N pāa le nyen a modɔɔ āsɔɔ na yire a tēe tara ɪle ayi fɪka peraabile ti 'yere fɪka a dajɪl.

XII Wɔ yin de a modɔɔdɔɔ 'lo kpɛɔ na wɔ wiil wɔ māɛ a modɔɔdɔɔ 'lo niem ti fir a nɪbe ba jaa na be ka a wer pɔ ka ba gbur dumo puor a modɔɔdɔɔ 'lo chefɔ jie na 'mɔ pɔɔ.

XIII Wɔ tɔn ne'maa tɔmɔsɪ na wɔ gba ma vɛ ka būu yi saaju suu wa a tēe ka nɪbe ba jaa nye.

XIV A wɔ ne'maa tɔmɔ anyāna jūu, ba kɔ won kpɛɔ ka wɔ de a modɔɔdɔɔ 'lo jie, na wɔ bel a wer nɪbe. Ka wɔ 'yer ba ka ba mɛ butɪbe 'yɔɔnɔ ni a modɔɔ 'lo ban dɔɔ chen a sɔɔ ti wɔ 'mɔ pɔɔ.

XV Ba kɔ won sɔr ɪka wɔ kɔ a botu 'lo nyevor won me ka wɔ nyetāan a mɔdɔdɔ 'lo, ka wɔ na tɔɔ 'yer ka ba kɔ a bala na tɔr a botu puorfɔ.

XVI Wɔ mi fir nɪre jaa, ka bile le wɔ ɪ bu kpɛɛ le, taraa sɔɔ bu nɔɔ sɔɔ, sumine bu gbāgbaa, ka ba 'yɔɔ ba jaa jānsɪ a nūsɔɔ nūu pɔ bu a gberaa pɔ.

XVII Nɪre jaa kɔ tɔɔ daara bu da bon ka baa 'yɔɔ wɔ a jāne na ɪ a mɔdɔɔ yuor bu a wɔ jāne 'lo na ɪ a wɔ yuor ε.

XVIII Ka 'lo yɛ 'yer le, ala ɪ nɪre tara na bɔɔfɔ, won tɔɔ sɔr a mɔdɔɔ sebie an ɪ nɪsaal sebie le. A sebie ɪ naa kɔɔr ayɔɔb dɔɔl lɪjaata nɪ ayɔɔb (666).

XIV

I Be le n kaa nye a Peraabile ka wɔ 'mataa ara nɪ nɪbe turo kɔbaa lɪjaayi nɪ anaar (144,000) a Jiyon tɔɔ ju ka wɔ yuor nɪ a Sāa yuor seb 'mar a ba gbersɪ pɔ.

II N wɔn kɔkɔε a saaju na gɔnɔ fɪka kɔkpɛɛ na joro bu saa na tān. A gɔmɔ mi kaara fɪka kɔrɔjomsɪ ban ηmiere.

III Ba yiele naa yiel paalaa a nāa dakɔɔ niem nɪ a bɔnɪbie anaar bala nɪ a nɪbere bala niem. Nɪre jaa ba be be na tɔɔ a yiel jān ε, ka a nɪbe turo kɔbaa lɪjaayi nɪ anaar (144,000) bala tɛε a Nāanɪmɪn na faa ka a wer pɔ ba le ε.

IV A banyāna le ba sɔɔ ba māε nɪ pɔbɔ ε, bojūu ba gun ba māε ɪ cheche, na ba ma turo a Peraabile jie jaa won chiine, bala le ba da de kɔ Nāanɪmɪn fɪka bɔdɔɔ ban de kɔ Nāanɪmɪn nɪ a Peraabile.

V Baa haa nEE ηmaa jir ε. Baa tara chefo bālāa jaa ε.

VI N pāa le nyen a malakasi āsɔɔ na ɔɔɔ be a saaju ti tara a 'yer kpo kpo buɔɔ ika wɔ 'yer kɔ a bala na be ka a wer pɔ, ni paalsi a jaa, ni balbɔrsi a jaa, ni 'yerbɔrsi a jaa, ni nɔbɔrsi a jaa.

VII Wɔ tān na ni nekpɛɛ, “Yi joro a Nāanmɔn dābāe na yi korɔ wɔ tur, bojūu a wɔ bɔbir vie naa ka wɔn tɔɔr a nɔbe 'yer. Yi puor wɔ, 'lo le maal a saaju, ni a wer, ni a man ni a kɔɔ yifu jiiir.”

VIII A malakasi ayi sɔɔ mi tun wa 'yerɛ, “Wɔ wel naa, wɔ wel naa, a Babilon tēkpɛɛ nyā 'lo le maal a paalsi a jaa a ba nyū a wɔ sēsēyele dāa ala na tɔɔ Nāanmɔn suur waan.”

IX Ka a malakasi ata sɔɔ mi tu wa 'yerɛ ni kɔkɔkpɛɛ, “Ala wa i āsɔɔ jaa puor naa a mɔdɔɔ nyāna naa botu nyāna ban me a wɔ kaar, na wɔ sɔɔ ka ba 'yɔɔ wɔ a jāne a gberaa pɔ bu a nūu pɔ,

X wɔ mi na nyūn a dāa ala na i a Nāanmɔn suur, ala le ba pɔr 'yɔɔ a ηmele pɔ na i a suur. Ban ge wɔ naa ni a jerbɔ būu na dire a malaka chechesi bala naa Peraabile niem.

XI A ba gefo jɔɔr na uro ba tara ηmaafɔ ε. Pēnfɔ ba be be kɔ a bala na gbur dumo puor a mɔdɔɔ ni a botu 'lo ban me a wɔ kaar mɔtɔɔ bu tāsɔɔ ε, bu āsɔɔ jaa na sɔɔ de a jāne na i a mɔdɔɔ yuor ε.”

XII A le jūu, a bala na i Nāanmɔn nɔbe na ba turo a wɔ nEE na ba mi ara ni yelmāe kɔ a Yesu ba tara kānyir.

XIII N pãa le wõn kòkòr na yi a saaju 'yere, “Seb a anyãna an yi a duna chiine, popel sòò le a 'lò na kpi a Soro sòr pò.” “Ɔò,” le a Nãanmɔn Siε 'yer, “Ban pẽn naa a ba dɔɔye pò. Bojũu a le ban dõɔ tõ, na turo ba naa.”

XIV N le kãan nye julõjupɔla, ka a nɔre 'lò na jãne a julõjuur ju kaara fika nɔsaal bie (*Daniel 7:13*) na wò su selma jupil a ju pò, ti na wò tara bõnma sòkpɛε na dire a nũu pò.

XV Be le a malaka ãsòɔ mɔ yi be a Nãanmɔn yir wa bɔɔlò 'yere kpɛɔ jaa kòrò a 'lò na jãne a julõjuur ju, “De a sòkpɛε na fò piel tòmõ bojũu a tòmõ sòɔ ta naa, bojũu a wer nyã ban na nma mõɔ naa.”

XVI Le le a 'lò na jãne a julõjuur ju jaal a sòkpɛε bar a wer pò na wò nma a wer wò jaa.

XVII A malaka ãsòɔ mɔ na yi a be a Nãanmɔn puorfò yir a saaju na wò mɔ tara a bõnma sòkpɛε diir ãsòɔ.

XVIII Ka a malaka ãsòɔ mɔ 'lò le kaara a bũu ka wò wa yi a be a tãt nyũu vɔla chomfò jie bɔɔl a 'lò na tara a bõnma sòkpɛε diir kpɛɔ jaa ti 'yer, “De a fò bõnma sòkpɛε diir 'lò na fò nman a tɛ wõmõ, a wer le ɪ a tɛ ka wò wõmõ mõɔ.”

XIX A malaka jaal a wò sòkpɛε bar ka a wer pò ka wò nmarà a wõmõ kpaara 'yõɔnõ a be ban ma nɛere nmerε, na ɪ a Nãanmɔn suur.

XX Ba nɛere ban a be a nenmerfò jie a tɛkpɛε 'lò yõo, ka a jãt joro a nmerfò jie ɪre na ta mɛl kòɔr ayi ka a wii mɔ ma kpe ka a nɛε 'lòr.

XV

¹ N nye naa a nɛ'maa yelwiilaa jãne ãsòɔ a

saaju, malakası ayopõı na tara wõmsı ayopõı, ala le ı a baaraa na vë ka Nãanmın suur lo.

II N le nyen bon na kaara fıka man kõo jaa wel wel nyıle chãana kaar lõotãan bũu ka nıbe ara a wõ gogoro par. Bala le jeb tõo a modõo nı a wõ botı nı a yuor jãne. Nãanmın ko ban kõrõjomsı

III ka ba yiele nı a wõ gbãgbaa Mosesı nı a Peraabile yiele 'yere, "A Soro Nãanmın na ı a Tõofõ sɔo, a fı tõmõ 'maan nee ti põn bar, fı un nıtor nı yelmãe sɔo, fıõ le ı a nãmıne ba jaa Nãa.

IV An le kõ joro a fıõ Soro dãbãe na wõ ko a fı yuor tur e? Bojũu fıõ tee le ı cheche. A paalsı a jaa na wa gãn kpa tee a fı niem, bojũu nıre jaa nye naa a fı tõtorsı."

V Bojũu a anyã puor, n kãan nye a saaju ka a Nãanmın puorfõ yir a jicheche 'lo na ı a dãasıe jie ka wõ yuo.

VI Ka a malakası ayopõı yi a jicheche nyãna na ba tara a Nãanmın suur wõmsı ayopõı sun bõpıel na nyıle ka a selma bõlunsı bãbã a ba nyãn pɔ.

VII Be le ka a bõnıbie anaar bala ãsɔo ko a malakası ayopõı bala selma laar ayopõı na seer nı a Nãanmın nyã na be be jaa kpo kpo suur.

VIII Ka a juor see a Nãanmın puorfõ yir yi a Nãanmın tur nı a wõ kpẽo pɔ, ka nıre jaa kõ tõo kpe a puorfõ yir ka a malakası ba wa baar a Nãanmın suur wõmsı ala baar e.

XVI

I N wõn nekpẽe na yi a be a puorfõ yir 'yere kuro a malakası ayopõı bala, "Yı chen ti kpaar a

Nāan̄m̄n suur a laar pɔ bar a wer.”

II Ka a malaka d̄ɔɔ 'lɔ chen tɪ kpaar a wɔ laa bar ka a t̄ee ka a nat̄ɪd̄ɛb̄ɛ na b̄ɪɛɛ t̄ɛ a n̄ɪb̄ɛ bala na tara a mɔd̄ɔɔ 'lɔ j̄ān̄ɛ tɪ mɪ gbur dumo puor a b̄ɔtɪ.

III A malaka ayi s̄ɔɔ mɪ kpaar a wɔ laa bar a man pɔ, ka a k̄ɔɔ l̄ɛb̄ fɪka k̄ū j̄āɪ, ka a b̄ɔv̄ɔɔrs̄ɪ a jaa na be a man pɔ kpi.

IV A malaka ata s̄ɔɔ mɪ kpaar a wɔ laa 'ȳɔɔ a p̄ɔns̄ɪ nɪ k̄ɔls̄ɪ pɔ, ka a k̄ɔn̄ mɪ l̄ɛb̄ j̄āɪ.

V Be l̄ɛ n w̄ɔ a malaka 'lɔ na kaara a k̄ɔn̄ 'yer, “F̄ɔɔ l̄ɛ ɪ a Torf̄ɔ S̄ɔɔ, a f̄ɔ 'yer t̄ɔɔrf̄ɔ nȳā tor naa, f̄ɔɔ l̄ɛ ɪ, f̄ɔɔ mɪ l̄ɛ d̄ɔɔ be be Cheche S̄ɔɔ a yels̄ɪ anȳāna fon t̄ɔɔr a 'yer j̄ū.

VI Boj̄ū a putud̄ɛme bala l̄ɛ k̄ɔ a f̄ɔ n̄ɪb̄ɛ nɪ a f̄ɔ 'ye'yerb̄ɛ a f̄ɔ k̄ɔ ba a j̄āɪ ɪka ba nȳū, a l̄ɛ s̄ɛn̄ ba naa.”

VII Be l̄ɛ n w̄ɔ k̄ɔk̄ɔr na 'yer be a b̄ɔɔr lof̄ɔ jie, “Ɔɔ, n Soro Nāan̄m̄n na ɪ a T̄ɔɔf̄ɔ S̄ɔɔ, a f̄ɔ 'yer t̄ɔɔrf̄ɔ ɪn yelm̄ɛ tɪ mɪ tor.”

VIII A malakast̄ɪ anaar s̄ɔɔ kpaar a wɔ laa 'ȳɔɔ m̄ɔt̄ɔɔ ka wɔ tara kp̄ɛɔ vuul a n̄ɪb̄ɛ nɪ b̄ū.

IX A m̄ɔt̄ɔɔ t̄ɔl vuul ba naa tɪ ba chene t̄ɔɔɔ a Nāan̄m̄n yuor an ɪ 'lɔ l̄ɛ tara a gef̄ɔ anȳāna a jaa kp̄ɛɔ na baa l̄ɛb̄ ba t̄ɪɛr k̄ɔ wɔ t̄ɪɛr ɛ.

X A malakast̄ɪ an̄ū s̄ɔɔ kpaar a wɔ laa 'ȳɔɔ a mɔd̄ɔɔ n̄ā dak̄ɔɔ ju, ka a wɔ n̄āal̄ɔɔ wɔ jaa l̄ɛb̄ libe, ka a w̄ɔn̄ɔ a n̄ɪb̄ɛ ka ba ɔɔɔɔ j̄ālb̄ɛ

XI tɪ chene t̄ɔɔɔ a Nāan̄m̄n nȳā na be a saaju a ba nat̄ɛ nɪ an b̄ɪɛɛ ba j̄ū. T̄ɪche baa l̄ɛb̄ a ba t̄ɪɛr bar a ba t̄ɔd̄ɛb̄ɛ ɛ.

XII A malakasi ayooɔb soo mi kpaar naa a wo laa 'yɔɔ a Yufuruti pɔn kpɛɛ pɔ, ka a kɔɔ sir choɔr a sor bar kɔ a mɔtɔɔ purfu jie nãmine.

XIII N le nyen a sɔdebe na kaara pãtɛ kaar ka a yire a bon 'lo na kaara a dajul kaar nɛɛ pɔ, naa le yire a mɔdɔɔ 'lo mi nɛɛ pɔ, naa mi le yire a jir ηmarba 'ye'yerbe nɛɛr pɔ.

XIV A sur anyã ɪ naa a tu sur na tɔnɔ ne'maa tɔmɔsi. Ba chen naa a wer wo jaa nãmine sɛ tu lɔɔ taa na ηmaan a Nãanmin Tɔɔfo Soo jɛɛr a wo bɪbir kpɛɛ 'lo daar.

XV “Nye ɪn wan nãnyie kaar. Bɔɔsɔn soo le a 'lo na ba gur ε, ti mi tara a wo bɔsursi jen na wo kɔ wa chiine ni sal'mɔɔr ka a ɪre wo vɪ ε.”

XVI Be le a sur lɔɔtaa a nãmine a jie 'lo a Heburu nɪbe na buɔɔ Amagedɔn.

XVII A malakasi ayopɔi soo kpaar naa a wo laa 'yɔɔ sɛsɛbe pɔ, ka kɔkɔr yi be a Nãanmin puorfu yir a nãa dakɔɔ par 'yere kpɛɔ jaa, “A maal naa!”

XVIII Be le ka saa nyɪurfɔ, ni gɔmɔ, ni saa tãnfɔ wa, ka a tɛɛ dam wo jaa miin kpɛɔ. An yi a le daar jaa, nɪsaal na be ka a wer pɔ a tɛɛ ba mii a kpɛɔ a le ε.

XIX Ka a tɛkpɛɛ 'mar jiiir ata, ka a paalsi tɛbere mi lo lo. Nãanmin chene na tɪer tɔ a tɛkpɛɛ Babilon na wo gbɔm wo a dãa na sɛɛ ηmele na ɪ a wo suur.

XX Dɔdɔlɔsi a jaa bɔr naa ka fɔ kɔ le nye tɔɔ go ε,

XXI ka a sakpolɔbibere na tɪre yire a saaju loro ηmiere a nɪbe ka ba tɔrɔ a Nãanmin a sakpolɔbie gefɔ nyã jũu.

XVII

I A malakast ayopōi na tara a laar ayopōi, āsōo wan wa 'yer kō ma, “Wa, ɪn wiil fōn a lɛ a pōo baa nyā yuor na yi na jānɛ a mansɪ nɛɛ 'yer tōorfō.

II 'Lō lɛ a wɛr nāmune gān ka a wɛr nɪbɛ mɪ buu nɪ a wō sēsēyele.”

III Be lɛ, a malaka 'mōo man a Sɪɛ pō chiin a mōgōo pō. Be lɛ n tɪ nyɛ a pōo na jānɛ a mōdōjɪɛ ju. Ka a mōdōo nyā āgān wō jaa pōon yoe na fere nɪ Nāanmɪn na wō tara jur ayopōi nɪ ɪlɛ pie.

IV A pōo vaar naa fōjɪ ile ile na wō pāɛn sɛlma nɪ kōsɪsōn nɪ lɛrbɪkpāɛn. Wō tara naa a sɛlma ŋmele a wō nūsōo pō a wō tō kakaba nɪ a wō sēsēyele na sɛɛ.

V Yuor sɛb mar a wō gberaa pō, “Fōn kō tōo bōo a par ɛ, a Babilon na yi yuor, pōo baar ma, nɪ a wɛr tō kakabsɪ ma.”

VI N nyɛn a pōo na nyū a Nāanmɪn nɪbɛ jāu buu, a bala na di a Yesu dāasɪɛ. ɪn wa nyɛ wō a lɛ, nɛɛ 'maa ma naa.

VII Ka a malaka sōor ma, “Ŋmune a nɛɛ 'maa fō? ɪn wiil fō naa a pōo nɪ a mōdōo won do na tara jur ayopōi nɪ ɪlɛ pie yelsōolaa par.

VIII A mōdōo 'lō fōn nyɛ, wō dōo be be, pōpāanyā waa lɛ be be go ɛ. Won yi naa a bōo fulom pō na wō chen a sōofō jie. A wɛr nɪbɛ bala yoe na ba sɛb a nyɛvōr gān pō ɛ, yi a wɛr maalfō daar ɛ, bala wa nyɛ a mōdōo nyā, nɛɛ na 'maa ba naa bojūu wō dōo be be na waa lɛ be be ɛ, tɪ na won lɛb wa.

IX “A ka ɪ naa tɪer na tara yẽ 'yer. A jur ayopõi ɪ naa a tõn ayopõi a pɔɔ na jãne, nɪ a nãmɪne ayopõi.

X A ba anũu kpi naa tɪ ka bõ'yen chene, bõ'yen mɪ ba wa sere ε. Tɪche 'lo wa wa, wɔn kor bālãa.

XI A mɔdõɔ 'lo na dõɔ be be na waa le be be go ε, wɔ ɪ naa a nãmɪne aniin sɔɔ na pɔɔ ayopõi bala pɔ na chiine a sõɔfɔ jie.

XII “A ɪle pie ala fon nye ɪ naa nãmɪne pie na ba di a nãa sere ε, tɪche ban kɔ ban kpẽɔ ka ba ɪ nãmɪne lõɔn a mɔdõɔ sõɔ bālãa.

XIII Ba jaa tɪer ɪn bõ'yen, ka ba de a ba kpẽɔ nɪ fõɔ kɔ a mɔdõɔ.

XIV Ban nmaan naa a Peraabile jɛer, tɪche ka a Peraabile na tõɔ ba, bojũu 'lo le ɪ a sorbo ba jaa Soro nɪ a nãmɪne ba jaa Nãa. A bala wɔn bɔɔl na wɔ chel ir ka ba turo nɪ yelmãe, na pɔɔ wɔ naa.”

XV Ka a malaka 'yer kɔ ma, “A kõn ala fon nye be a pɔɔ baa 'lo na jãne, ɪ naa a nɪbɔrsɪ, nɪyɔɔ, paalsɪ nɪ 'yerbɔrsɪ.

XVI A mɔdõɔ nɪ a ɪle pie ala fon nye ban 'laar naa a pɔɔ baa nyãna na ba tɔɔ wɔ chɪer tɪ che wɔ sal'mɔɔr. Ban 'wɔb wɔ naa tɪ che 'yõɔ bũu pɔ ka wɔ di.

XVII Bojũu an ɪ Nãanmɪn le de 'yõɔ a ba tɪer pɔ ka ba na ɪ a wɔ bɔfɔ, ka ba jaa tɪer ɪ bõ'yen ka ba sɔɔ de a ba kpẽɔ kɔ a mɔdõɔ ka wɔ di nãa ka Nãanmɪn 'yer wa maal baar.

XVIII A pɔɔ fon nye ɪ naa a tẽkpẽe 'lo nãa na tõɔ a wer nãmɪne ba jaa.”

XVIII

I A anyã puor, n nyen a malaka ãsɔɔ na yi a

saaju suro waara. Wɔ tara na kpɛɔ. A chãa na be a wɔ 'yɔɔ chaar naa a wer wɔ jaa.

II Na wɔ tãn kpɛɔ nɪ nekpeɛ 'yerɛ, "Wɔ wɛl naa! A Babilon tɛkpɛɛ 'lo wɔ wɛl naa! Wɔ lɛb dɛɛr dɛme gaa jie, nɪ sɪdɛɛ, nɪ lubil dɛɛ nɪɛ na ba ɔɔɔ ɛ kpefo jie.

III Bojũu an ɪ a paalsɪ ba jaa buu naa nɪ a wɔ sɛsɛyele, ka a nãmɪne na be ka a wer pɔ gãn wɔ. A yayarba na be a wer pɔ len tu a wɔ bõyɔɔ pɔ."

IV Be le n le wõ kɔkɔɔr ãsɔɔ na yi a saaju 'yer, "Maa nɪɛ, yɪ wa yi a wɔ pɔ na yɪ taa ɪre wa pɔɔ a wɔ dɛɛr pɔ ɛ, bɪ na yɪ pɔɔ a wɔ wõm pɔ ɛ.

V Bojũu a wɔ maal dɛɛ dɔɔl taa tɪ ta a saaju, ka Nãanmɪn tɪɛr tɔ a wɔ dɛɛr wɔn maal.

VI Yɪ kɔ wɔ nɪtãa le wɔn kɔ yɪ. Yɪ yab wɔ tɪ le dɔɔl wɔ. Yɪ kɔ wɔ a dãa nɪ a wɔ ŋmele nɛɛr ayi ka wɔ nyũ.

VII Ge wɔ ka wɔ waal, a yuor nɪ a nõɔ wɔn bɔɔɔ kɔɔ a wɔ mãɛ. Wɔ ma chen nyãa 'yer, 'N ɪn pɔɔ nãa jãɛ, n ba ɪ pɔɔ kɔɔɔ ɛ. Nɪbaal kõ wa kpe ma jaa ɛ.'

VIII A le jũu, bɪbir bõ'yen le a wõm na wa a wɔ ju, kũu, nɪ kõn, nɪ kõ. Bũu le ɪ a di wɔ an ɪ a Soro Nãanmɪn nyã na tɔɔr a wɔ 'yer ɪn tõɔfo sɔɔ.

IX "Ka a wer nãmɪne na dõɔ gãn wɔ na ba 'mataa din wɔ a nõɔ, bala wa nyɛ a le wɔn dire ka a jɔɔr uro, an ɪre ban nɪbaal ka ba kõnõ kɔɔ wɔ.

X Dãbãɛ kpe ba naa a ger nyã jũu, ban ara na tɛɛr jaa tɪ kõnõ 'yerɛ, 'Nɛbɪɛr, nɛbɪɛr, a fõs tɛkpɛɛ nyã, pa Babilon, a fõs nyã na tara a kpɛɔ, bɪbir bõ'yen le a sõɔfo be wa a fo ju.'

XI “A yayarba na be a wer pɔ na kɔnɔ na ti waala bojũu nɛre ba be be na da a bonsi go ε.

XII A selma, kp̄ana, kɔsɔsɔn ni a lerbikp̄aen, ni fuu pɛl, ni fuuji ile ile, ni fuu saalsi, ni a fuuji kp̄an kp̄an, ni a daar ala nyũu na nɔmɔ, ni bomo ala jaa ban de wab chele maal. A daar ala daa na be tuo, a kurjɛ, ni kursɔɔɔ, ni a kɔsikp̄ulo bie.

XIII A k̄anyũu vɛl ala, ni a d̄an, ni a k̄an, ni a jɔn, ni chir, ni a niin, ni a piir, ni a wiisi, ni a wiisi torkosi, ni a gb̄gbaar.

XIV “A b̄vɛlɛlɛ ala na ɛre fɔ a vɔlaa, a jaa chen naa. A fɔ n̄abomo naa fɔ yoboyele a jaa b̄or naa. Fɔ k̄ɔ le nȳaa go ε.

XV A yayarba na da a bomo kɔ wɔ na ba le, nɛɛ na 'maa ba naa a wɔ ge fɔ nȳa pɔ, ka ba ser yi tɛɛr jaa ti kɔnɔ waala

XVI 'yere ni, 'Nebier, nebier, a f̄ɔɔ t̄ekp̄ɛɛ nȳa, a f̄ɔɔ na ma su a fɔpɛl, ni a fɔji ile ile, ni a fɔkp̄an kp̄ansɔ. Na fɔ ma p̄aen a selma, ni a kɔsɔsɔn, ni a lerbikp̄aen.

XVII M̄ɔt̄ɔ b̄ɔ'yen le a fɔ n̄abomo anȳana be we a jaa.' A bala na kaara a gborbere ala a man kp̄ɛɛ pɔ, ni a nɛɛ bala na be be, ni a bala jaa na t̄ɔnɔ dire be a man pɔ, na ara na tɛɛr.

XVIII Bala wa nye a j̄ɔɔr ban kɔnɔ na 'yere ni, 'T̄ɛbuor le be ka na wɔ ta a t̄ekp̄ɛɛ nȳa?'

XIX Ban ɔɔn t̄ana 'ȳɔɔnɔ a jur pɔ ti kɔnɔ ti waala 'yere ni, 'Nebier, nebier, a f̄ɔɔ t̄ekp̄ɛɛ nȳa. A jie nȳa a bala jaa na tara a gborbere ȳɔɔɔ ni a man pɔ, ba jaa len tu a fɔ jie, ti m̄ɔt̄ɔ b̄ɔ'yen a fɔ be we a nit̄ɔ?'

XX Saaju, chule a wɔ jũu, yin Nãanmɪn nibe ni a nitõnsi ni a 'ye'yerbe yi chule. Nãanmɪn tɔɔr a wɔ 'yer nitãa a le won maal yi.”

XXI Be le ka a malaka kpẽɔ pãa 'mɔɔ kɔsɪr kpẽɛ na jãtãan niɛr lɔb 'yõɔ a man pɔ ti 'yer, “Nitõ le in lɔb fɔ bar, a fõɔ Babilon tẽkpẽɛ nyã ka niɛr kõ le nye fɔ jaa go ε.

XXII Ba kõ le wõ kõrõjom ñmefɔ, ni yiel yielbe, ni daa pɛelbe, ni ulɛ pɛelbe jaa go ε. Tõtõnbɔ jaa bɔrɔ kõ le be be go ε, ba kõ le wõ jõ nãenbe dõɔn go ε.

XXIII Fãtɪn bũu kõ le chaar be go ε. Ba kõ le wõ pɔɔ paalaa ni wɔ sɪɛ kɔkɔr go ε. A fɔ yayarba le dõɔ yi yuor a wer pɔ. A fɔ tãɔɔ yele le fɔ de bel a paalsi jaa ka ba bɔr.

XXIV A wɔ pɔ le ba nye a 'ye'yerbe ni a Nãanmɪn nibe jãi ni bala ba jaa ban dõɔ kɔ a wer pɔ.”

XIX

I A anyã puor, n wõn gõmõ fika niyɔɔ na tãna be a saaju 'yerɛ ni, “Dãnfɔ wɔ ta Nãanmɪn! Faafɔ ni tɪr ni kpẽɔ i naa a wɔ tɔɔr,

II bojũu a wɔ 'yer tɔɔrfɔ in yelmãɛ ti mi tor. Wɔ 'yõɔn a pɔɔ baa na 'yer, 'lɔ le sõɔ a wer nibe ni a wɔ sɛsɛyele. A wɔ gbãgbaar won kɔ, wɔ yab won a sãn.”

III Ba le tãna na go, “Dãnfɔ wɔ ta Nãanmɪn. A wɔ jɔɔr na uro duoro ba tara ñmaafɔ ε.”

IV Ka a niɛre lijer ni anaar ni a bõnɪbie anaar bala gãn kpa tẽɛ puor a Nãanmɪn na jãne a nãa dakɔɔ ju pɛɛɛ wɔ 'yerɛ ni, “A i a le. Dãnfɔ wɔ ta a Nãanmɪn.”

V Be le ka a kōkōr yi be a nāa dakoo par 'yerε, "A yin na ι a Nāanmın gbāgbaar na yi joro wō dābāε. Ka bil bu bere le, yi pεere a sι Nāanmın!"

VI N pāa le wōn dōon fika nıyoo na gōnō, bu fika kōkpēε na joro, bu saa na tāna kpēō jaa, "Dānfu wō ta Nāanmın! Bojūu a sι Soro Nāanmın na ι a Tōofu Sōo, le di a nāa.

VII Yι ι a sι chule ka sι āgān 'maa a sι kō a Nāanmın tur an ι a wō Peraabile pōo kulfo bıbir vıe naa, ka a pōo mı choor a wō māε baar.

VIII Wō sun bōpıel na vıele tı nyıle." A bōpıel anyāna le a Nāanmın nıbe yeltorsı.

IX Ka a malaka 'yer kō ma, "Seb a anyāna, 'An un pıpel kō a bala ban bōol a Peraabile pōo kulfo lōo di jie.' " Ka a malaka mı 'yer pōo, "A Nāanmın 'yer anyāna un yelmāε."

X Ka n gā kpa tēε ıka n puor wō, tıche ka wō 'yer kō ma, "Ta maal a le ε. N mı ι naa a gbāgbaa nıtāa a fōo nı a fō yεer kaar, bala le tara Yesu dāasıε. Puor Nāanmın! Bojūu, a Yesu dāasıε le ι a Sıε 'yer."

XI N nyen a saaju na yuo, ka a ι wıı pıla le, ka a nıre 'lo na do yuor di, yelmāε sōo nı nıtor. Yeltorsı le wō ma tōor a wō 'yer tı ηmaan wō jεεr.

XII A wō nıbie 'lıre naa fika būu, ka a nājupıl yoo su a wō ju pō. Yuor seb mar wō nıre jaa na ba bōo ε, ka 'lo tεε ba le ε.

XIII A fuu wōo won su un jāı wō jaa ka a yuor di, "Nāanmın 'Yer."

XIV A saaju sojası sun bōpıel don wıı pıel turo nı wō.

XV Ka a sokpɛɛ diir yi a wɔ nɛɛ pɔ, 'lɔ lɛ wɔ de chɛrɛ nɪ a paalsɪ ba jaa, “Wɔn kaara ba jaa nɪ a kpɛɔ 'lɔ na kaara a kur dāgbal kaar.” (*Yiel Gān 2:9*) Wɔn nɛɛrɛ ban ɲmɛrɛ be a tɪɛ wɔmɔ nɛɲmɛrfɔ jie nɪ a Nāaɲmɪn na ɪ a Tɔɔfɔ Sɔɔ suur.

XVI Yuor nyāna lɛ be a wɔ fuu wɔɔ na suu a gbɛkpɛɛ pɔ ɪka, A NĀMINE BA JAA NĀA, NĪ A SORBO BA JAA SORO.

XVII N nyen malaka na ara a mɔtɔɔ ju tɪ buɔl a lubil a jaa na ɔɔrɔ be a saaju nɪ kɔkɔkpɛɛ, “Yɪ lɔɔ taa wa a Nāaɲmɪn lɔɔ di jie.

XVIII Lɛ lɛ, yɪ wa dire a nāmɪne āgāma nɪ a fɔn dēme nɪ a kpāen dēme, a wiist nɪ a ba duorbo, gbāgbaar nɪ sumɪne, a bil nɪ a bɛrɛ, a nɪbɛ banyāna ba jaa āgāma.”

XIX Ka n nyɛ a mɔdɔɔ nɪ a wɛr nāmɪne nɪ a ba sojast lɔɔn taa ɲmaan a 'lɔ na do a wii nɪ a wɔ sojast jɛɛr.

XX Tɪchɛ ba nyɔɔn a mɔdɔɔ lɔɔn a jir ɲmara 'yɛ'yɛrɛ na tɔ a nɛ'maa tɔmɔ a mɔdɔɔ niem. A nɛ'maa tɔmɔ anyāna lɛ wɔ de belɔ a bala na tara a mɔdɔɔ jānɛ tɪ puor a botɪ. Ba lob ba jaa ayi bɔnɪbie 'yɔɔ a jɛrɪ bɪu na dire pɔ.

XXI A bala na chɛ, a 'lɔ na jānɛ a wii ju kɔ ba naa nɪ a sokpɛɛ diir 'lɔ na yi a wɔ nɛɛ pɔ, ka a lubil pāa di a ba āgāma tɪ.

XX

I N nyen a malaka na yi a saaju suro waara tara a bɔɔ fulom 'lɔ pān bir nɪ bɔjɔr gbor.

II Wɔ t̄ɔɔ naa a dajɪl 'lɔ na ɪ a k̄ɔr waa, 'lɔ le ɪ a d̄ɛr sɔɔ na ɪ a Satan na wɔ l̄u wɔ nɪ a b̄ɔjɔr gbor ka w̄ɔn maal yuomo tur (1,000).

III Wɔ lɔb wɔn 'ȳɔɔ a b̄ɔɔ fulom nyā pɔ, tɪ kpal na wɔ 'ȳɔɔ jānɛ a wɔ k̄ɔ le t̄ɔɔ a paalsɪ bɛl go ɛ, ka a yuomo tur (1,000) wa baar. A ala puor, ban yuo wɔ naa ka wɔ maal ber bālāa.

IV N nyen nāa dakɔɔr, ka a bala na jānɛ, ba kɔ ban sɔr ɪka ba t̄ɔɔr 'yer. N le nyɛ naa a bala na d̄ɔɔ dire a Yesu d̄aasɪɛ nɪ a Nāan̄mɪn 'yer j̄u ban kɔ, n nyen a ba sɪr. Bala le ba sɔɔ puor a mɔd̄ɔɔ nɪ a b̄ɔtɪ ɛ, bu sɔɔ de a wɔ jānɛ a ba gber pɔ bu a nuur pɔ ɛ. Ba ir naa a k̄u pɔ ɪ vɔɛ ka bala naa Yesu l̄ɔɔ di nāa a yuomo tur (1,000).

V A k̄un bala na che baa ir ɛ, ka a yuomo tur (1,000) ala ba wa baar ɛ. A d̄ɔɔ d̄ɔɔ k̄u pɔ irfɔ le a anyā.

VI Pɔpɛl le kɔ a nɪ chechestɪ banyāna na de nie ir a k̄u pɔ ɪ vɔɛ. A gbɛɛ ayi k̄u k̄ɔ le pɔɔ ba go ɛ, tɪche ban ɪn a Nāan̄mɪn b̄ɔɔr lorbo, ka bala nɪ a Nɪ-iraa l̄ɔɔ di nāa a yuomo tur (1,000) ala pɔ.

VII A yuomo tur wa ta, a malaka na yuo naa a Satan a b̄ɔɔ fulom 'lɔ pɔ na wɔ for wɔ bar,

VIII ka wɔ yi bɛl̄ɔ a wɛr k̄ɔkobo anaar wɔ jaa nɪbɛ, Gɔɔg nɪ Magɔgɪ na wɔ l̄ɔɔ ba jaa ka ba ŋmaa jɛɛr. A nɪbɛ waa naa fɔn k̄ɔ t̄ɔɔ ba sɔr ɛ.

IX Ba yer a wɛr wɔ jaa na ba wa jil̄ɔ a Nāan̄mɪn nɪbɛ jaa jie a t̄ɛɛ 'lɔ a Nāan̄mɪn na n̄ɔ. Tɪche ka a b̄u yi saaju lo di ba jaa.

X Ka a d̄ɛr sɔɔ 'lɔ na bɛl̄ɔ ba, ba lɔb wɔn 'ȳɔɔ a jɛrbɪ b̄u na dire pɔ, be le a mɔd̄ɔɔ nɪ a jir

ηmara 'ye'yere be. Ban ge ba naa mōtōo nɪ tāsoo wɔ jaa, ka ba be be jaa kpo kpo.

^{XI} N pāa le nyen a nāa dakoo pɪla, ka a 'lo na jānɛ. A tēe nɪ a saaju bɔr a wɔ niem, baa le tara jie go ε.

^{XII} N nyen a kūn, bil naa bere ka ba ara a nāa dakoo niem, a ba yuor gāma bin. Ba le yuon a gān āsɔɔ na ɪ a nyevor gān. Ba tɔɔr naa a kūn bala 'yer nɪtāa a le ban dōo maal a ba seb 'yōo a gān pɔ bin.

^{XIII} A man tɪr naa a kūn ala won tara, ka a kūu nɪ a kpīisɪ tēe mɪ tɪr a kūn bala ban tara, ka ba tɔɔr nɪre āsɔɔ jaa 'yer a le won dōo maal.

^{XIV} Ba lob a kūu nɪ a kpīisɪ tēe 'yōo a būu dagel pɔ. A būu nyā na dire le a kūu gbɛɛ ayi.

^{XV} Ala ɪ nɪre jaa yuor ba wa seb a be a nyevor gān pɔ ε, ban lob won 'yōo a būu dagel nyā pɔ.

XXI

^I A anyā puor, n pāa nyen saaju paalaa nɪ tēpaalaa, bojūu a saaju koraa nyā nɪ a tēkoraa nyā bɔr naa, ka a man ba le be be go ε.

^{II} N nyen a Tēcheche na ɪ a Jerusalem paalaa ka wɔ yi a saaju a Nāanmɪn sē suro waara fika, pɔɔsaraa na pāen bōkākāɛ gun a sɪre kulfo.

^{III} Ka n wō kōkɔr na yi a be a nāa dakoo par 'yere, “Pōpāanyā, Nāanmɪn na kpɪeraa a nɪsaalba pɔ, na wɔ be a ba sē. Ban ɪn a wɔ nɪbe, ka wɔ mɪ be a ba sē ɪ a ba Nāanmɪn.

^{IV} Won 'yɪer naa a ba nɪbikōo a nie pɔ bar. Kūu kō le be be go ε. Waal ba le be be go ε. Kōn mɪ ba le be be go ε. Nɪre ba le bɪere be go ε. Bojūu a yelkoro a jaa pōn chen.”

V Ka a 'lo na jāne a nāa dakoo ju 'yer, “N maala naa a bomo a jaa bōpaalaa!” Na wu pāa le 'yer ku ma, “Seb a anyāna bin, baal ba be be ε, a in yelmāε.”

VI Wu 'yer ku ma, “A maal naa. Maa le a Pielfo ni a Baaraa. 'Lo jaa a kōnyūur na kpe, in ku won a nyevor kōo na yi a bulo po ka wu nyū poro.

VII Nire 'lo jaa na jeb tōo, in ku won a anyāna a jaa. Ka n i a wu Nāanmin ka wu mi i a n bie.

VIII Tiche a bala na i a dābān dēme, ni bala na ba soo de ε, ni tier debe dēme, ni nikorbo, ni sēsēnbe, ni soobosi, ni tipuorbo, ni jir ηmarba ba jaa, a ba jie i naa be a jerb i būu dagel po. A nyā le i a kūu gbεε ayi.”

IX Ka a malakasi ayopōi na tara a wōm ayopōi 'lo na tara a baaraa wa 'yer ku ma, “Wa, ka n wiil fo a pōosaraa na i a Peraabile poo.”

X A malaka 'moo man a sie po don a tō wōo kpēε ju na wu ti wiil ma a Tēcheche na i a Jerusalem na yi a Nāanmin sē suro waara.

XI Wu chaar wu jaa ni a Nāanmin tur, a chaarfō kaara fika a kōsōn na wu nyle chaar jaa wel wel a kōsibe ala ban boolo a jasipa kaar.

XII Dachin wōo na kpēme jilō wu jaa na wu tara dōdōi pie ni ayi, ka a dōdor āsoo jaa tara malaka na kaara. Ba seb a Isral bal pie ni ayi yoe mar a dōdōi po.

XIII Dōdōi ata ben a mōtōo purfo jie, ka ata mi be a kōkoor, ka ata mi be a kōkoor nyā, ka a ata mi be a mōtōo mōrfo jie.

XIV Dachin par kpari pie ni ayi ju le a dachin dool. Ala po le ba seb a Peraabile nitōnsi pie ni ayi yoe dool.

XV A malaka 'lo na 'yeɛ nɪ ma tara na selma damanaa ɪka wɔ man a t̄e d̄ɔd̄ɔ nɪ a dachin.

XVI A t̄e par kparaa j̄ataa, a w̄ofofɔ nɪ a yalfɔ wɔ jaa. Wɔ man a t̄e nye ka wɔ ɪ m̄el tur d̄ɔɔl k̄ɔɔr anaar (1,400). A w̄ofofɔ nɪ a yalfɔ, a dofo, nɪ a j̄aafɔ.

XVII Wɔ man a dachin ka a yal ɪ gbɛɛ k̄ɔɔr ayi d̄ɔɔl pie nɪ ayɔɔb (216). A malaka man a lɛ a nɪsaal na ma man.

XVIII A k̄ɔsɪbɛ ala ban b̄ɔɔɔ a jasɪpa lɛ ba m̄en a dachin, ka a t̄e wɔ jaa ɪ selma na wɔ chaar ch̄aana kaar.

XIX K̄ɔsɪs̄ɔn a jaa b̄ɔɔɔ lɛ ba de kpar a t̄e par kparaa. A par kpard̄ɔ 'lo ɪn a k̄ɔsɪs̄ɔn ala ban b̄ɔɔɔ a jasɪpa, ka a ayi s̄ɔɔ mɪ di safer, ka a ata s̄ɔɔ di agete, ka a anaar s̄ɔɔ mɪ di emerald,

XX ka a an̄u s̄ɔɔ di ɔnɪksɪ, ka a ayɔɔb s̄ɔɔ mɪ di kanlian, ka a ayop̄ɔi s̄ɔɔ di keresolɪtɪ, ka a aniin s̄ɔɔ mɪ di berl, ka a pie forbir s̄ɔɔ di topajɪ, ka a pie s̄ɔɔ di kɪrɪsopɪrase, ka a pie nɪ b̄ɔ'yen di jasɪntɪ, ka a pie nɪ ayi s̄ɔɔ mɪ di am̄etesete.

XXI A d̄ɔd̄ɔr n̄ɛɛ pie nɪ ayi ala ɪ naa a k̄ɔsɪs̄ɔn pie nɪ ayi. K̄ɔsɪb̄ɔ'yen lɛ ba maal a jaa. A s̄ɔkp̄ɛɛ na be a t̄ɛkp̄ɛɛ nȳa p̄ɔ selma lɛ wɔ jaa ka wɔ chaar ch̄aana kaar.

XXII N ba nye puorfɔ yir be a t̄e p̄ɔ ɛ, boj̄u a sɪ Soro N̄aan̄mɪn na ɪ T̄ɔfofɔ S̄ɔɔ nɪ a Peraabile lɛ ɪ a puorfɔ yir.

XXIII A t̄e nȳa ba b̄ɔɔɔ m̄ɔt̄ɔɔ, bu ηm̄eraa ch̄a ɛ, boj̄u a N̄aan̄mɪn tur lɛ ɪ a ch̄a, ka a Peraabile ɪ a wɔ f̄atɪn.

XXIV A ch̄a nȳa p̄ɔ lɛ a paal b̄ɔrsɪ nɪbe na ȳɔɔɔ, ka a wer n̄am̄ine mɪ waan a ba n̄abomo

a be.

^{XXV} A wɔ dɔ̃dɔr nɛɛ ba be na wa pɔɔ a mɔ̃tɔɔ
ε, an ɪ tã̃sɔɔ ba lɛ be be go ε.

^{XXVI} A paal bɔrsɪ nɪbɛ nãbomo nɪ a ba tɪɪ, ban
waan naa be.

^{XXVII} Bɔ̃dɛɛr kɔ̃ kpɛ be ε, bɪ bala na tɔ̃nɔ̃ vɪ
tɔ̃mɔ̃, bɪ nɪbɛlɛ, tɪchɛ a bala tɛɛ yuor na sɛb a
Peraabile nyevɔr gã̃n pɔ.

XXII

^I Ka a malaka pãa wiil ma a nyevɔr pɔ̃n kɔ̃ɔ ka
wɔ ɪ jaa wel wɛl ka a joro yire a Nãaɲmɪn nɪ a
Peraabile nãa dakɔɔ par,

^{II} naa joro a tɛɛ sɔr kpɛɛ sã̃lsɔɔ. Nyevɔr tɪɛ ara
naa a pɔ̃n lɔ̃bobo, ka a jaa ma wɔ̃nɔ̃ wɔ̃bɔrsɪ pie
nɪ ayɪ yuon jaa, ka a wiil ɪka a ma wɔ̃ naa ɲmɛraa
jaa gbɛbɔ̃'yen. A vat lɛ ban sãan a paalsɪ a jaa
nɪbɛ baal.

^{III} Nãaɲmɪn pɔ'yɔ̃ɔfɔ ba lɛ be bon jaa pɔ go ε.
Nãaɲmɪn nɪ a Peraabile nãa dakɔɔ na ben a tɛɛ
pɔ, ka a wɔ gbãgbaar tɔ̃nɔ̃ kɔrɔ wɔ.

^{IV} Ban nyen a wɔ nie, ka a wɔ yuor be a ba
gber pɔ.

^V Tã̃sɔɔ kɔ̃ lɛ be be go ε. Baa lɛ bɔ̃rɔɔ fãtɪn
chãa ε, bɪ mɔ̃tɔ̃ɔ chãa ε. Bojũu a sɪ Soro
Nãaɲmɪn mãɛ na chaar ba naa a wɔ chãa, na
ba dɪ nãa bɪbir jaa.

^{VI} Ka a malaka 'yer kɔ ma, "Baal ba be a 'yerbie
anyãna pɔ ε, a ɪn yelmãɛ. A Soro Nãaɲmɪn na ma
kɔ a wɔ sɪɛ a wɔ 'yɛ'yɛrɛ tɔ̃ naa a wɔ malaka
ɪka wɔ wa wiil a wɔ gbãgbaa yele ala na kɔ̃ jaar
tɪ ɪ ε."

VII “Nye, n kō jaar tɪ wa ε! Popel sɔɔ lɛ a 'lɔ na sɔɔ a 'yerbie anyāna a jaa na seɓ a gān nyā pɔ.”

VIII Maa Jɔɔn lɛ wō tɪ nye a anyāna. In wa wō tɪ nye a lɛ baar, n gān kpa tēe ɪka n puor a malaka, 'lɔ lɛ wile ma a anyāna.

IX Tɪche ka wɔ 'yer kɔ ma, “Ta maal a lɛ ε! N mɪ ɪ naa a gbāgbaa nɪtāa a f̄ɔɔ nɪ a f̄ɔ yeer 'ye'yerbe nɪ bala jaa na turo a gān nyā 'yer. Puor Nāanmɪn!”

X Ka a malaka pāa 'yer kɔ ma, “Ta sɔɔl a 'ye'yerɛ 'yer nyāna a gān nyāna pɔ bar ε, bojūu a sɔɔ gbɔr naa.

XI Vē ka a 'lɔ na ɪ nɪdɛɛr, wɔ chene ɪrɛ a dɛɛr. Vē ka a 'lɔ mɪ na maala yelɛbe, ka wɔ chene maala a yelɛbe. Vē ka a 'lɔ na tor, wɔ chene ɪ a nɪtor. 'Lɔ mɪ na ɪ cheche, wɔ chene ɪ a cheche.”

XII “Nye, n kō jaar tɪ wa ε! N tara na a n yar na kɔ nɪrɛ jaa lɛ wɔn tō.

XIII Maa lɛ a Pielfo nɪ a Baaraa, a nidɔɔn nɪ a puor sɔɔ.

XIV “Popel dēme lɛ a bala na pɛɛ a ba fuusi. Ban tara na sɔr di a nyevɔr tɪɛ wōmō, na ba tu a dōdɔr nɛɛ kpe a tēe pɔ.

XV Tɪche baar, nɪ a sɔɔbɔsɪ, nɪ a sēsēnbe, nɪ a nɪkɔrbɔ, nɪ a tɪpuorbɔ, nɪ a bala jaa na nō jir ŋmaafɔ, ban ara na a yōo.

XVI “Maa Yesu lɛ tō a n malaka nɪ a dāasɪɛ nyāna a yɪ sē kɔ a pupuorbɪir gbulsɪ. Maa lɛ ɪ a David nyɪr nɪ a wɔ yōɔ, nɪ a bivɪɛ ŋmerbir na chaar.”

XVII Ka a Sɪɛ nɪ a pɔɔ paalaa 'yer, “Wa!” Ka a 'lɔ mɪ na wō naa 'yer, “Wa!” Nɪrɛ jaa kōnyūur na

kpɛ, vɛ̃ ka wɔ wa, nɪɛ jaa na bɔɔɔ, vɛ̃ ka wɔ wa de a nyɛvɔɔ kɔɔ kɔfɔ nyũ pɔɔɔ.

XVIII N kpāan āsɔɔ jaa na wɔ̃nɔ̃ a 'yɛ'yɛɛ 'yɛɛ a gān nyāna pɔ. Ala ɪ āsɔɔ jaa wa den bon dɔɔl a 'yɛɛ nyā pɔ, Nāanmɪn mɪ na dɔɔl wɔ naa a wɔ̃m ala a gān nyā na 'yɛɛ a ba 'yɛɛ.

XIX Ka ala ɪ nɪɛ āsɔɔ jaa mɪ wa ir bon bar a 'yɛ'yɛɛ 'yɛɛ a gān nyā pɔ bar, Nāanmɪn mɪ na mɔɔ wɔ naa a nyɛvɔɔ tɪɛ wɔ̃mɔ̃ nɪ a tɛ̃chɛchɛ pɔ kpɛfɔ a gān nyā na 'yɛɛ a wɔ 'yɛɛ.

XX A 'lɔ na di a anyāna dāasɪɛ 'yɛɛ naa, “Ŋɔ, n kɔ̃ yaar tɪ wa ɛ.” A ɪ a lɛ. Wa sɪ Soro Yesu.

XXI A sɪ Soro Yesu wāɛfɔ wɔ be a Nāanmɪn nɪbɛ sɛ̃. A ɪ a lɛ.

**A Nãanmun Nɛtur Oaalaa Gãn, Burfoor
Birifor, Southern: A Nãanmun Nɛtur Oaalaa Gãn,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772